

四庫全書考證

三三



舊



叢書集成

初編

王雲五 編者


商務印書館發行

國家圖書館典藏

中國國家圖書館數位化

四庫全書考證

(二十三)



08247
743
32

四庫全書考證卷七十九

集部

施注蘇詩

樂城集

樂城後集

樂城第三集

樂城應詔集

山谷詞

後山集

淮海集

淮海後集

濟南集

畫墁集

四庫全書考證

卷七十九



三二七七

007502

四庫全書考證

卷七十九

雲溪居士集

濱山集

涵水集

北湖集

溪堂集

日涉園集

灌園集

摘文堂集

東堂集



三二七八

007265

施注蘇詩 宋蘇軾撰 施元之註

卷首上

例言第六。則鳳翔之什。可廁於嶺南。刊本廁訛。則據別本改。

王註正譌。李景初名景通。後更名璟。刊本璟訛燬。據南唐書改。

秋扇詩。卽樂府怨歌行新裂齊紈素一首是也。刊本裂訛製。據古詩紀及郭茂倩樂府詩集改。

唐以廣桂容邕安南五府屬嶺南。謂之五管。刊本安南二字互倒。據唐書方鎮表改。

卷首中

本傳。虧商稅而取均輸之利。刊本利訛科。據東坡全集改。又始引西湖水作六井。刊本作訛足。據宋史

本傳改。

墓誌銘。又黃河勢方北流。刊本北訛西。案宋史本傳作北流。又案集中卷三十八有庚辰八日聞黃河已

復北流。今據改。

卷首下

年譜。望棲霞作鼓笛慢。刊本棲訛樓。據別本改。又和李太白潯陽紫極宮詩。刊本脫紫極二字。據太白

集增。

卷一

和子由澠池懷舊注景帝中二年初城徙萬家爲縣刊本脫城字據漢書地理志增
中隱堂詩其五注我來咨嗟涕漣漣刊本泐訛而據韓昌黎集改

卷二

和子由記園中草木吾聞東山傳置酒攜熾婉刊本東山二字互倒據東坡全集改

卷三

送張安道赴南都注而有江湖山藪之思刊本脫山藪二字據文選增
廣陵會劉貢父况逢賢主人白酒潑春甕刊本潑訛撥據東坡全集改

卷四

地爐次韻注鄭嶠津陽門詩刊本嶠訛愚據全唐詩改

和劉道原寄張師民注弋人何篡焉刊本篡訛慕據法言改

送張吉甫赴閩漕注水繞亭臺碧玉環刊本亭訛庭據劉夢得集改

得呂推察詩注南望青松架短壑刊本架訛駕據杜工部集改

卷五

和歐陽少師會老堂次韻注待其從容然後盡其聲刊本盡上行能字據學記刪

次韻孔文仲見贈。注。籀浮雲。曉上馳。刊本曉訛掩。據漢書志改。
賀朱壽昌蜀中見母。注。列女傳。刊本女訛士。今改。

至秀州贈錢安道。注。包佶贈劉尊師詩。刊本佶訛吉。據全唐詩改。

卷六

病後述古邀往城外尋春。注。郭景純游仙詩。刊本仙訛山。據郭景純集改。
寒食至湖上。注。小航船亦畫龍頭。刊本頭訛舟。據白香山集改。

卷七

立秋日禱雨宿靈隱寺。注。李頻月詩。刊本頻訛蘋。據全唐詩改。

卷九

謝人見和敢將詩律鬪深嚴。刊本律訛力。據東坡全集改。

卷十一

寒蘆港。注。水衡記。刊本水訛永。今改。

卷十三

韓幹馬。注。腫膝不可任也。刊本腫訛踵。據韓非子改。
游聖女山。注。智伯攻趙。刊本伯訛子。據戰國策改。

春榮注。忻遶園而細履。刊本忻訛折。據唐文粹改。

卷十四

送鄭戶曹注。束帛加璧。尊德也。刊本尊訛爲。據禮記改。

卷十五

張安道見示近詩注。當如祭公謀父。刊本祭訛蔡。今改。

遊戲馬臺注。桂苑叢談。刊本苑訛花。今改。

卷十六

次韻田國博南京見寄。歸來杏子已生仁。刊本仁訛人。據東坡全集改。

卷十七

和孫同年卜山龍洞禱晴注。禰衡傳注。刊本禰訛禰。據後漢書改。

泛舟城南分韻。其三注。河間姪女工數錢。刊本姪訛詔。據後漢書改。

卷十八

謝柳真齡遺鐵拄杖注。崆峒山。汝州。岷州俱有之。刊本脫下州字。今增。

卷二十

卷二十一

南堂。其五注。人疑其蛟綃也。刊本蛟訛蛟。今改。

輓徐君猷。山城散盡樽前酒。刊本城訛成。據東坡全集改。

和蔡景繁海州石室注。樹翠羽之高蓋。刊本羽訛字。據文選改。又白樂天不能忘情吟序。予愍默不能

對。刊本默訛然。據長慶集改。

卷二十一

晚宿圓通禪院。手寫寶積獻蓋頌。佛一偈以贈長老仙公。刊本贈訛僧。據東坡全集改。

岐亭其五注。杜子美光祿坂詩。刊本坂訛坡。據杜工部集改。

龍尾硯歌。况噴蘇子鳳唳銘。刊本噴訛噴。據東坡全集改。

卷二十三

歸宜興留題竹西寺注。唐地理志。刊本理訛里。今改。

卷二十四

次韻王震注。晉嵇康傳。刊本康訛唐。據晉書改。

次韻王定國謝韓子華過飲。親嫌妨鸚薦。刊本親訛二。據東坡全集改。

次韻穆父舍人再贈之什注。晉荀勗傳。刊本勗訛勗。據晉書改。

卷二十五

送程建用注。漢翟方進傳。刊本漢訛晉。據漢書改。

西山詩再用前韻注。井泥不食。刊本泥訛濼。據周易改。

再和曾子開從駕其二注。朱箔銀屏迥邈開。刊本屏訛瓶。據長慶集改。

卷二十六

次韻孔常父送張天覺。故關黃葉滿行朝。刊本朝訛舟。案查注蘇詩作行朝。又案孔常父原作云。太行雲

路戒摧朝。今據改。又注。行舟聞商賈。宿在楓林下。案此係因詩內朝訛舟。故誤引。

次韻米黻二王書跋尾其二注。文帝詔曰。案盧毓傳。先云。青龍二年爲侍中。又云。侍中高堂隆數以宮室

事切諫云云。考高堂隆傳。青龍中大治殿舍。隆上疏。帝稱善。遷侍中。則選舉之詔。乃明帝。非文帝也。此誤。

卷二十七

蓮龜注。千歲龜巢於蓮葉。刊本於訛如。據抱朴子改。

卷二十九

次韻劉景文登介亭注。祖侯謂祖無擇。刊本無訛而。據別本改。

與張秉道視新河次韻其二注。晉灼注。刊本灼訛均。據史記注改。

卷三十三

籍田注。九扈爲九農正。刊本脫下九字。據左傳增。

卷三十五

詠湯泉注。昔晉泰始中。刊本始訛武。據晉書帝紀改。

卷三十七

夜臥濯足注。牛馬悉蹠縮如蝟。刊本蹠訛躅。據西京雜記改。

卷三十八

真一酒歌注。漫頭薄持。刊本頭訛項。據賦彙改。

汲江煎茶。活水還須活火烹。刊本烹訛煎。據東坡全集改。

和曹子方贈歐陽晦夫畫茅庵注。七月至廉州。刊本州訛王。今改。

卷三十九

次韻韶倅李通直注。瀧吏垂手笑。刊本手訛首。據韓昌黎集改。

卷四十一

正月五日遊斜川注。開歲倏五日。刊本日訛十。據陶彭澤集改。

卷四十二

讀山海經。其四。養鍊歲月長。刊本鍊訛練。據東坡全集改。

桃花源。從來一死近。又等癡慧。刊本等訛算。據東坡全集改。

續補遺

卷上

古風注。夜。蹋霜與露。刊本夜訛下。據古樂府改。

池上注。子獨不聞夫。埒井之鼃乎。刊本獨訛濁。據莊子改。

贈曇秀。瘴雲應逐秋風靡。刊本逐訛遂。據東坡全集改。

江上看山注。北海之帝爲忽。刊本忽訛黑。據莊子改。

寄題清溪寺注。韓非作孤憤。五蠹內外儲。說林說難。刊本脫說林二字。據史記增。

荆門惠泉。濼瀉爲長溪。刊本濼訛衆。據東坡全集改。又注。穴出仄出也。刊本仄訛反。據爾雅改。

戲詠子舟畫。兩竹兩鸚鵡。注。南部新書。刊本部訛郭。今改。

大雪獨留尉氏注。晉光逸傳。刊本光訛元。據晉書改。

寄周安孺茶。香濃奪露蘭。色嫩欺秋菊。刊本欺訛期。據東坡全集改。

轆轤歌注。鼓轆轤。揮勁索。刊本揮訛彈。據郭景純集改。

次韻張甥棠美述志。列心先擬射聲名。刊本聲訛毅。據東坡全集改。

卷下

夷陵縣歐陽永叔至喜堂。誰知有文伯。遠謫自王都。刊本謫訛摘。據東坡全集改。

贈人霜柏威高道轉孤。刊本威訛成。據東坡全集改。
儻耳注。霓屈虹青赤或白色。刊本脫色字。據說文增。

樂城集 宋蘇轍撰

卷一

三遊洞野老篝火青如燐。原本篝訛構。今改。

次韻子瞻記歲暮鄉俗。寧我不飲食。無爾相咎過。相從慶新春。顏色買愉和。案和字。東坡集從去聲叶。此從平聲叶。

卷五

送董揚休比部知真州。盤錯試餘鋒。原本盤訛蟠。據後漢書改。

卷十六

安厚卿樞密母夫人輓詞。初聞寡兄弟。共羨好姑嫜。刊本嫜訛章。今改。

卷十七

黃樓賦。北望則泗水滌漫。古汴入焉。案入宋文鑑作合。

卷十八

御風辭。今夫子晝無以食。刊本複衍夫字。據茅坤選本刪。

卷二十

私試進士策問。請以輕兵絕其饗道。案饗。三蘇文粹作糧。

卷二十二

上劉長安書。使天下樂進于前而無恐。而轍亦得進見。案見下。三蘇文粹有左右以聽議論之末。幸甚幸甚。甚十二字。

卷三十一

西掖告詞。緒出世胄。交友儒林。刊本緒訛絕。據別本改。

卷三十五

陳州爲張安道論時事書。積悍之民。奮爲羣盜。刊本悍訛憾。據唐宋文醕改。
自齊州回論時事書。府庫空竭。邊餉寡少。刊本餉訛餽。據唐宋文醕改。

卷三十七

論發運司狀。其終均出于民。是以民益病。刊本益訛蓋。據別本改。

卷三十八

乞禁軍日一教狀。弓弩刁斗比舊皆倍。刊本刁斗二字互倒。據別本改。

卷四十

再言張頡狀乞追還告命未蒙施行刊本脫蒙字今增。

卷四十一

請戶部復三司諸案劄子昔胄案所掌今內爲軍器監矣刊本胄訛冒。又稍經歲月必至蠹敗刊本至訛類並據宋史改。

卷四十三

再論熙河邊事劄子青唐番部數以千計納之則本朝無措刊本朝無二字互倒又措訛旨並據茅本改。

卷四十五

三論渠陽邊事劄子要須略行討定使知畏憚案討定茅本作定計。

欒城後集 宋蘇轍撰

卷一

次韻子瞻和淵明飲酒惜哉委荆榛忍飢長默默刊本榛訛秦據別本改。

卷四

甲子日雨一冬無雪麥方病刊本雪訛雷據別本改。

卷十

苻堅論民未忘晉而欲以力取之刊本忘訛患據茅本改。

卷十五

民賦敍富者利于避役則稅少而田多刊本稅田二字互倒據茅本改。

卷二十

再祭亡兄端明文命不自知還服簪紳案服宋文鑑作復。

卷二十一

書金剛經後與如來法水流接刊本水流二字互倒據茅本改。

卷二十二

亡兄子瞻端明墓誌銘比冠學通經史屬文日數千言刊本言訛矣據宋史改。

卷二十四

巢谷傳囊中有銀數百兩非君莫使遺之者案莫下宋文鑑有可字。

樂城第三集 宋蘇轍撰

卷一

買炭詩。百物今盡然。豈惟一炭故。刊本惟訛爲。據宋文鑑改。

卷八

洪範五事說。此佛氏所謂地大者也。刊本氏訛之。據三蘇文粹改。

欒城應詔集 宋蘇轍撰

卷二

三國論。我閉而拒之。使之失其所求。案閉下。宋文鑑有門字。

卷五

燕趙論。頑嚚無恥。不可告語。刊本嚚訛冒。又愚者不知君臣父子之義。刊本義訛美。並據三蘇文粹改。

卷十一

劉愷丁鴻孰賢論。非有先王之命。刊本有訛是。據三蘇文粹改。

山谷詞 宋黃庭堅撰

驀山溪。寄贈陳湘。不帶風塵氣。刊本風塵二字互倒。據山谷全集改。

採桑子。戲贈黃中行。露滴輕寒。雨打芙蓉。淚不乾。刊本雨打訛兩行。據全集改。

後山集 宋陳師道撰

卷一

觀。竟。文。忠。公。家。六。一。堂。圖。書。世。雖。嫡。孫。行。名。在。亞。子。中。刊。本。亞。訛。惡。據。四。朝。詩。改。
還。里。尚。恐。北。山。南。有。文。移。路。旁。刊。本。恐。訛。從。據。四。朝。詩。改。
咸。平。讀。書。堂。听。然。一。啓。齒。斯。民。免。爲。魚。刊。本。听。訛。欣。據。四。朝。詩。改。

卷二

送。路。紉。歸。老。丹。陽。有。酒。尚。可。娛。刊。本。尚。可。二。字。互。倒。今。改。

卷四

丞。相。溫。公。輓。詩。一。代。風。流。盡。三。師。禮。數。崇。案。數。宋。文。鑑。作。教。瀛。奎。律。髓。作。樂。並。與。此。異。
雪。後。黃。樓。寄。負。山。居。士。雲。日。明。松。雪。溪。山。進。晚。風。案。進。四。朝。詩。作。逗。

放。懷。施。食。烏。鳶。喜。持。經。烏。鼠。聽。案。鼠。瀛。奎。律。髓。作。雀。

次。韻。無。斃。雪。後。草。潤。留。餘。澤。案。澤。四。朝。詩。作。瀝。

寄。潭。州。張。芸。叟。孰。知。爲。郡。樂。莫。作。越。鄉。憂。案。莫。作。越。鄉。憂。四。朝。詩。作。不。動。越。鄉。愁。
雪。中。寄。魏。衍。意。在。千。山。表。情。生。一。念。中。案。山。瀛。奎。律。髓。作。年。

卷五

歸雁寧爲寶箏柱。肯作帛書郵。刊本帛訛置。據四朝詩改。
元符三年七月蒙恩復除。棣學暮年隨手盡。心事許溟鷗。案許溟。瀛奎律髓作計盟。
寒夜星火光相亂。江山氣不分。刊本光訛遠。據四朝詩改。
山口漁屋渾環水。晴湖平落虹。刊本虹訛東。據四朝詩改。
晚坐柳弱留春色。梅寒讓雪花。案讓。瀛奎律髓作釀。
宿齊河。案齊。四朝詩作濟。又稍作他方計。初回萬里心。案方。四朝詩及瀛奎律髓並作年。
湖上晚歸寄詩友。殘年憎送歲。案送。瀛奎律髓作受。
夜坐有懷。短檠昏細字。案昏。瀛奎律髓作看。

卷六

九日寄秦觀。案秦觀。四朝詩作秦少游。

送蘇迨。真字飄揚。今有種。案字。瀛奎律髓作字。

卷八

絕句。勤苦著書如作吏。世間枉是最閒人。刊本作訛。此據宋文鑑改。

卷九

上蘇公書。士亦安能免此。刊本免訛克。又巧智之士亦非可棄。以爲手足可也。刊本爲訛足。又勢在而不負。豈真不負耶。刊本脫不負。豈三字。並據宋文鑑改增。

上曾樞密書。東向而潰。何以禦之。刊本潰訛靖。又畿內常用十四萬人。刊本十訛丁。並據宋史兵志及通考宋文鑑改。又旦暮餉山中三日而復。刊本中訛東。又昔安李兩公皆有意於此。刊本此訛世。並據宋文鑑改。

卷十一

茶經序。近古可考。正自士事。其下云。乃合三書以成之。錄爲二篇。案自宋文鑑作月。士作七。又事上有之字。云作亡。均與此異。又篇。刊本訛第。又史稱羽持具飲李季卿。刊本脫李字。並據宋文鑑改增。又不務本而趨末。刊本不訛王。據宋文鑑改。

神宗御書後序。臣懼小人。因書以進之也。案宋文鑑無之字。

卷十二

汧水新渠記。其出爲陰溝。至浚儀。其下爲渦。刊本至浚訛後至。又儀字訛在溝字下。又餘波迤于睢陽。刊本睢訛進。並據水經注及宋文鑑改。

卷十四

擬御試武舉策。夏商之奴。周之臯隸也。刊本臯訛皐。據宋文鑑改。又大刑殺也。材不足用。則服無餘刑。

案大刑殺也。宋文鑑作常刑者。劓刑也。六字。又夫罰弗及嗣。臯陶之善彛也。罪人以族。武王之伐紂也。刊本舜訛問以訛不。又師克則鮮死焉。刊本焉訛爲。又所恃者地。刊本脫所字。並據宋文鑑改增。又內有盜賊乘間之虞。刊本賊訛販。又旣不能拒。又不能去。是危道也。宣王王者事也。刊本危訛爲。又脫也字。脫一王字。並據宋文鑑改增。

策問。又稱好廢箸。列之貨殖。刊本箸訛舉。據史記貨殖傳改。

卷十七

披雲樓上梁文。拋梁下。割肉成堆。酒如瀉。刊本成訛有。據宋文鑑改。

卷十八

萊公條四則。與邢洺不遠。刊本洺訛洛。據宋史地理志改。

契丹犯澶淵條。陛下欲了此。不過五日爾。刊本脫此字。據說郛增。

卷十九

宿乳醫陳軀條。切其右曰毋邊是。刊本右訛左。據下文改。

霍山條。丞相擅減宗廟羔兔鼈。顏注。羔兔鼈以供祭也。刊本減訛滅。顏注訛顧泣。據漢書改。

歐陽條。五代史周家人傳。柴后邢州龍岡人。世宗紀爲堯山人。案龍岡。五代史作堯山。堯山。世宗紀作龍岡。此誤。

卷二十

瓠子在雷澤。刊本雷訛當。據水經注改。

乖崖在陳條。復彈指久之。彈指詈罵久之。案說郛無彈指久之四字。此衍。錢塘邊江土惡不能堤條。募捍江軍以供其役。刊本捍訛得。據說郛改。

卷二十一

章氏之先起家爲將。爲王氏守北邊。刊本章訛卓。據福建通志改。

卷二十三

孟嘉落帽條。故謂詩非力學可致。正須胸中度世爾。刊本中度二字互倒。又世訛泄。並據稗海改。宋玉爲高唐賦條。唐人記后土事以譏武后耳。刊本譏訛議。據稗海改。

陳繹批答曾魯公表條。魯公謂人曰。刊本脫公字。據稗海增。

黃魯直條。扶輿度陽燄。窈窕一川花。刊本輿訛攜。據王荊公集及稗海改。

王荊公暮年喜爲集句條。其子以緋讓之。刊本緋訛晚。據津逮祕書及下文改。

唐人不學杜詩。惟唐彥謙與金黃亞夫庶。謝師厚景初學之。刊本脫亞夫二字。據稗海增。

歐陽公謫永陽。刊本永訛來。據稗海改。

韓退之上尊號表條。鈞陳太微。星緯咸若。刊本若訛著。據稗海改。

范文正公條。傳奇。唐裴翊所著小說也。刊本訛。據太平廣記及稗海改。
魯直與方蒙書條。乃縱酒以助詩。故詩人致遠則泥。刊本助訛。據稗海改。
禮部員外裴說條。零陵總記載說詩一篇。尤詼詭也。刊本詼訛。據稗海改。
眉山長公守徐條。路失玉鈎芳草合。林亡白鶴野泉清。刊本亡訛中。據稗海及東坡集改。
王旌平甫之子。按旌。稗海作游。又世稱秦詞愁如海爲新奇。刊本世訛也。據稗海改。

卷二十四

木蘭花減字贈晁無咎雙鬢詞。注。婷婷孌孌。芍藥枝頭紅玉小。案玉。詞綜作樣。又勸我尊前松柏壽。案尊。詞綜作花。松柏作千萬。並與此異。

南鄉子。困倚欄干一欠伸。注。周昉畫美人有背立欠伸者。刊本昉訛。盼。據東坡集改。

淮海集 宋秦觀撰

卷三

同子瞻端午日遊諸寺詩。附子瞻詩。歸來記所歷。耿耿清不眠。刊本闕記字。據東坡集補。

卷四

同子瞻賦遊惠山詩。附子瞻詩。隆曦忽穿漏。卉木鬱以新。刊本闕隆曦字漏字。並據東坡集補。

別子瞻詩。附子瞻詩。翹關負重君無力。十年不入紛華域。刊本闕翹字。又關訛門。並據東坡集補改。
和黃法曹憶劍溪梅花詩。附子瞻詩。萬里春隨逐客來。十年花送佳人老。刊本脫里字。據東坡集增。

卷十八

邊防策。其勢不易久守。故不若棄之便也。刊本不訛失。今改。

卷二十

李固論。功臣以乘便逐利爲名。刊本便逐二字互倒。今改。

卷三十五

書晉賢圖後。諸公了無醉態。而橫被沈湎之名。刊本沈訛況。今改。

淮海後集 宋秦觀撰

卷六

蠶書。竟篚織文。徐篚元織縞。刊本縞訛纈。據尙書改。

濟南集 宋李廌撰

卷一

天封觀將軍柏潭潭居紫府。沈沈據華屋。案沈沈二字出史記陳涉世家。應劭注。沈長含反。據字典通作潭。此詩兩用。皆失考。

卷三

千齡檜。元和元豐五十紀。婆婆下委纜及肩。案元和至元豐不及三百年。而此云五十紀。蓋信筆失考之訛。

卷四

再領玉局。昔東坡在翰林。作詩送戴蒙。有玉局他年第幾人之句。後自嶺外歸。遂領玉局。予復官亦得之。坡今亡矣。悵然有懷。案方叔生平未仕。不應有此詩。考之姑溪集。乃李之儀詩。蓋原本因與東坡還嶺南相連。誤編入廬集。今姑存之。

卷五

金鑾賦。公輔樂天苦俸薄兮。求兼府掾。案白居易請如姜公輔以學士兼京兆戶曹參軍。以便養見六帖。原本公輔訛公轉。今據改。

金鑾後賦。建慶兮以謹貴。賢宏兮以讓喪。案漢書韋賢傳。賢長子宏。與次子元成相讓襲父爵。想作者拘於對偶。故云賢宏。然於事實有礙。

卷六

慎兵論。有若道宗、道彥、樊興宗、段志玄、高甌生之徒。以平吐谷渾。案唐書吐谷渾傳。無樊興宗姓名。惟查劉文靜傳。後附載樊興。有從李靖擊吐谷渾。爲赤水道行軍總管等語。疑卽此人。今姑仍其舊。將心論。會質勒而至于隕身。弔婆葛而爲之流涕。原本會質勒作跪質勤。據唐書郭元振傳改。

卷八

歸龍入海圖。毗陵戚化元所作。筆力崢嶸。原本元訛无。據祕笈本改。

長帶觀音國朝燕龍圖。穆之宋中郎渙與伯時皆能畫。何愧於古耶。案宋中郎渙。祕笈本作宋郎中復古。與此異。

畫墁集 宋張舜民撰

卷三

呂子固小女哀辭。季拏却返商山葬。阿軟空留洛下情。案阿軟係妓名。見香山詩序。又香山女名金鑾。集中有哭金鑾數詩。恐舜民誤記。今姑仍其舊。

賜資治通鑑呈范滄父學士。細思當日修書者。祇有三人。今一人。案菊溪叢話云。治平中。英宗命司馬溫公編進君臣事迹。許置局辟官。薦劉道原。劉貢父。又辟范滄父在局。元豐末。進五代紀。遷公資政殿學士。除滄父祕書正字。時道原已死。貢父方貶官衡州也。元祐初。溫公還朝。付下國子監開板。板成。徧賜

羣臣各以表謝。芸叟爲作是詩。詩云。三人謂道原、貢父、滄父也。此詩大典失載。今據補。感時事戲作。案韻語陽秋云。熙寧四年。荆公預政。罷詩賦。專以經義取士。元祐五年。復用詩賦。紹聖初。復罷之。政和中。著於令。士庶傳習詩賦者。杖一百。畏謹者。至不敢作。芸叟感而賦此。

卷七

郴行錄。徐瓘承議。邱朝奉。辛大觀。游建隆寺九曲池。登大明寺。酌水試茶。井在茶經爲第五品。原本第五作第十。案陸羽著茶經。第云。山水上。江水次。井水下。未嘗品第天下之水。至張又新爲煎茶水記。始載羽爲李季卿論水次第有二十種。其品揚州大明寺井居第十二。亦非第十也。惟劉伯芻謂水之宜茶者有七。一揚子江。二惠山石泉。三虎邱石井。四丹陽寺井。五揚州大明寺井。六松江。七淮水。雖與陸羽異。但古今因之。今據改。又過三山及十里至烈山祠。卽烈州也。原本烈訛栗。案金陵新志。烈山去城南七十里。近烈州。故曰烈山。陸游入蜀記亦云。烈山在江州。上有小山曰烈山。今據改。又羣石拱起。林樾蒼然。曰蠓磯。原本蠓訛梟。據朱國楨湧幢小品改。

卷八

郴行錄。天慶觀木柱有謝仙火三字。案國史補。岳州玉真觀爲天火所焚。惟留一柱。倒書謝仙火三字。是所書者玉真觀柱也。與此異。

雲溪居士集 宋華鎮撰

原序

紹興癸亥八月晦日。資政殿學士左朝奉大夫知紹興府事樓炤序。案宋史樓炤傳。紹興十四年。以資政殿學士知紹興府事。過闕入見。除簽書樞密院事。而鎮子初成狀跋云。資政樓公來帥會稽。未亦題云。紹興十三年癸亥。是炤卽於是年知紹興。而旋復內擢。史稱十四年者。誤也。

卷一

感春賦。矢以柘棘。物因其故。制之用扶。堂堂室異數。原本扶訛符。據禮記投壺改。

卷八

元豐六年二月。檢田凌塘中馬上口占。景陽不放融怡色。密雨猶矜料峭寒。原本融怡訛蝸恬。案孔武仲詩云。春色著人寒料峭。日光生野暖融怡。今據改。

卷十三

會稽覽古詩。案鎮有會稽覽古詩一百三篇。永樂大典未經收入。今從厲鶚宋詩紀事中錄出。僅存九篇。鶚乃抄諸會稽志者。每題下各係本事。然於雙筍石題下。仍載及高宗末年及孝宗末年事。考鎮於元豐二年登時彥榜進士。其上章待制書云。叨竊名第二十八歲矣。以年考之。鎮生當在仁宗皇祐三年。

歷高宗之末年。當一百十四歲。孝宗之末年。則百四十三歲。况鎮子初成於紹興十三年。以鎮遺集乞序於樓炤。則在高宗中。鎮死已久。其所系解題。本出會稽續志原文。特引鎮詩以證之。故載有高孝兩朝時事。鶻初弗深考。而直據志漫錄。紕繆甚矣。

卷十八

制舉論追風逐影。絕塵弭躐。案絕塵弭躐。用列子成語。原本躐訛轍。今據改。

卷二十二

上國子豐祭酒書。案鎮子初成狀云。元豐之末。中書舍人孫公。國子祭酒豐公。以先君應詔。樓炤序亦云。孫覺。豐稷薦君堪博士。則此書者。必上稷無疑。而宋史豐稷傳。無稷爲祭酒之文。此可以補其缺。上中書孫舍人書。案孫舍人以狀及序考之。蓋孫覺也。而宋史不載覺曾爲舍人。此可以補其缺。

卷二十四

上蔡樞密書。案書中首召知樞密。熙寧元豐之法度。粲然復顯於世云云。考宋史。京未嘗典樞密。惟崇寧元年。京弟下爲樞密使。亦非首召。且書中所稱。乃元符以前事。與京行事皆相合。豈京召爲尙書。亦兼樞密。史闕文耶。

卷二十九

方時發尙書索至序。案方時發尙書名數。索至序略曰。此編舊出於賢關。又曰。江廣罕得其傳。由是載加

考訂付之剗。鎮此序中亦云。賢關諸公取書中應該名數者。夷考意指。名曰索至。則是書非時發所著。時發重訂而刻之耳。然鎮序中亦云。謹鏤諸板以遺同志。或鎮與時發同任鐫刻之事。抑時發已刻于前。鎮復爲重梓耶。是書著錄于藁竹堂書目。題曰無名氏經義考云未見。蓋亦不傳矣。

卷三十

附錄行狀爲郡漳南。政尙中和。案寶慶會稽續志。但稱鎮官至朝奉大夫。而未詳其職任。何喬遠閩書云。政和中。知漳州軍事。與此合。

演山集 宋黃裳撰

卷一

酬羅正城東賞花。花緣根蒂豈所托。原本蒂訛帶。今改。

卷六

送袁志行戶曹。高跨天河入月槎。原本跨訛誇。今改。

卷九

考試軍器和敦禮兵部。誰賦北山菜。原本山訛萊。今改。

卷十一

戲寄南華翁。其二。俸錢須買菊花開。注。酒醕而賤。百錢可以取醉。原本錢訛金。今改。

卷二十一

六桂堂詩集序。然則何愧于序公之詩。原本序訛詩。今改。

卷二十九

廬山開堂疏。既蹈聲聞之一曲。原本聲訛既。今改。

卷五十七

血腥之後有爛熟。原本爛訛爛。據禮記改。

涵水集 宋李復撰

卷一

乞罷造戰車。案崇寧中。蔡京當國。用邢恕爲涇原經略使。謀用戰車及造舟五百艘。詔付李復造作。復上疏切詆之。徽宗從其言。遂止。見宋史邢恕傳。此其二疏也。

卷二

賀安九鼎表。案宋會要。崇寧二年二月。用隱士魏漢津言鑄九鼎。四年三月。告成。八月。奉安于九成宮。帝親幸酌獻。九月朔。百官稱賀。此其賀表也。

卷六

遊歸仁園記。案洛陽名園記。河南城五十餘里。中多大園池。而歸仁園爲冠。乃唐丞相牛僧孺所築。書郢州孟亭壁。柳色半春天。原本春詛周。據孟浩然集改。

卷十三

雲巖。案雲巖所在多有。復所詠乃在四川銅梁縣也。

北湖集 宋吳則禮撰

卷二

垆邀公卷煎茶。阿垆手持都堂胯。原本胯。案宋姚寬云。茶之極精好者。每胯工價近三十千。唐庚鬪茶記。茶不問團胯。要之貴新。周必大集以詩送北苑八胯。胯字從月。不從金。今據改。

卷五

燕居堂記。太行蔽其北。而大河注其中。原本河訛湖。今改。

溪堂集 宋謝逸撰

卷一

雪後折梅賦。度橫約以躡躡。排寒威而辟易。原本約訛杓。今改。

載酒堂。林甫端能來。勿與談杖杜。原本甫訛逋。案舊唐書李林甫傳。林甫典選部時。判語有用杖杜二字者。林甫不識杖字。此詩正用其事。今據改。

卷二

擬峴臺。邀予步層臺。目送孤鴻飛。案臺字。宋詩紀事作雲。與此異。

懷汪信民村居。苔乾石骨瘦。水落溪毛凋。案釋惠洪冷齋夜話。引此詩作山寒石髮瘦。與此異。

卷三

懷呂聘君。智囊發新滕。經笥啓塵鑰。原本滕訛騰。今改。

豫章別李元中宣德。西山影裏識君面。碧照章江眸子瞭。案章江。宋文鑑作暮江。與此異。

次張邦式韻。嗟予敢望幼度才。哦詩粗可元暉比。原本幼訛切。案晉書謝元傳。元字幼度。核此詩文義。上句以謝元之才自謙。下句以謝朓之詩自比。切字自當爲幼字之訛。今改。

卷四

陪王守遊明水。白沙翠竹溪光淨。細草幽花野逕迷。間步禪林思蝶化。倦騎朝馬聽雞啼。原本逕訛遙。化訛花。今並改。

卷五

春詞。好是淡烟疏雨裏。遠峯青處子規啼。案淡字合璧事類引此詩作寒。與此異。

卷六

千秋歲。人散後。一鉤淡月天如水。原本天如水。訛如天水。今據萬樹詞律選本改。

日涉園集 宋李彭撰

卷一

奉酬程子尙。豔雪敵清妍。春雲多態度。原本春作停。案停雲見陶詩。與詩義不合。今據韓詩。君詩多態度。靄靄春雲空改。

卷二

從弟用前韻作人日詩。見寄復和。我有騰化術。長袂挹浮邱。原本化訛花。據陶詩我無騰化術改。次韻并示劉四壯輿。朝來玩西峯。聊答馬曹閒。原本曹訛槽。據晉書改。

卷四

送嗣行叟住雲巖。銀鞍香羅帕。駉驥行坦途。原本駉驥訛奚及。據揚子法言駉驥之馬改。

卷七

次九弟韻。幽懷鳥鳥樂。世故馬牛風。原本樂訛藥。據左傳改。

卷八

久不飲酒。偶飲殊適。因和九弟韻。煙際鳥呼雲際雨。花邊蝶舞柳邊風。原本鳥訛鳴。今改。
寄何斯舉。傳詩句句爛生光。妙手殷紅入象牀。原本紅訛能。據杜甫詩改。
遊同安寺。高榆風度青含莢。豔杏雨餘紅退脣。原本莢訛菜。今改。

灌園集 宋呂南公撰

卷一

和道先從義同過。張掾飲梅花下。春先顯父筍。冬外尹吉鼈。原本顯訛題。據毛詩改。
濟道過飲偶成長句。雖非爛腸宴。亦知足一酣。原本爛訛欄。案呂氏春秋。肥肉厚酒。務以相強。命之曰爛腸之食。又考梁書。伏挺傳云。娛耳爛腸。因事而息。爛腸宴。蓋本此。今據改。

卷四

黃茅行。黃茅颯颯天垂冱。夜宿野亭行旅共。原本冱訛茅。據爾雅改。
讀文冢銘。長沙進士何襟靈。辭源浩瀚如翻傾。原本長訛辰。據唐文粹改。

卷五

陪道先兄遊麻源。借得籃輿便出城。山光門外望西行。昨宵偶雨路塵少。今日好風林靄輕。有竹人家庭。

院秀避騶樵客。面顏生。溪田橋北駝鞍嶺。猶記當年志未平。案別本祇載末二句。并佚其題。惟永樂大典具載全詩。

卷六

聞仙都李道士下世。七星杉下朝曦閣。香火應教弟子修。原本七訛千。案南公集中麻姑山詩二十四首。有七星杉一詩。今據改。

卷八

甘圃詩序。子儒者也。爲爾卑陬。能哉。原本卑訛果。據莊子及昌黎詩改。

陳殿院集序。元豐六年冬至日。袞斧前牕書。原本袞訛衰。案陳振孫書錄解題。南公欲修三國志。名其齋曰袞斧。今據改。

卷十

上會吏部書。韓退之和李實匪人。而溢言推美之。局局然作釋言書。原本釋訛擇。據韓集改。

卷十四

與王夢錫書。退之稱李杜詩。亦有天公呼六丁之語。案韓詩作仙官敕六丁。此云天公呼六丁。不知南公何所本也。

卷十五

上知縣啓。惟探銛餘閒。嘗賜披覽。原本銛訛。柘據漢書趙廣漢傳改。

卷十六

重修韓退之傳。改都官員外郎。原本都訛職。據新唐書本傳改。

孫甫傳。官止兵部員外郎。案宋史本傳稱甫再遷尚書兵部員外郎。改直史館。知陝州。徙晉州。爲江東轉運使。三司度支副使。遷刑部郎中。天章閣待制。河北都轉運使。留爲侍讀。卒。特贈右諫議大夫。與此文不同。

卷十八

書劉瑾事。瑾爲淮南轉運使。鄭獬舟過廣陵。原本淮南訛河南。據宋史本傳改。又獬卒。瑾悉橐買田宅。郎溪上。以女妻獬子。使奉母居焉。案宋史鄭獬傳。獬爲王安石所惡。引疾祈閒。提舉鴻慶宮。卒。家貧。子弱。其柩稿殯僧屋十餘年。滕甫爲安州。乃克葬。據南公此文。則獬之卒。劉瑾爲買田宅于郎溪。始能俟之十餘年而後葬也。足與正史參正。

摛文堂集 宋慕容彥逢撰

卷一

爲陳秀才題墨妙堂。鍾蔡衛索更品評。逸少兼之集大成。案索索靖也。原本訛霍。今改。

卷七

入內內殿承制楊軫可轉一官制。原本承制訛承直。據宋史職官志改。

向濤宣德郎樓光翟敦仁宣奉郎制。原本脫奉字。案宋史職官志。正七爲宣德郎。從七爲宣奉郎。無所謂宣郎者。今據增。

卷十一

賀改元政和表。燎升陽時。旣涓饗帝之儀。澤沛端闈。爰易紀年之號。原本時訛時。案五時。見漢書郊祀志。今據改。

賀刑部斷獄表。其五。心運道樞。以澄清於萬化。躬持慈寶。以拊育於羣倫。原本慈訛茲。案老子云。我有三寶。一曰慈。今據改。

卷十二

神宗皇帝聖政頌。懋遷有無。平頒興積。原本頒訛頌。據周禮地官改。

元圭議。考工記稱天子圭中必注。必讀如鑿繹之繹。其訓則縫也。原本兩繹字俱訛繹。並據考工記注改。

東堂集 宋毛滂撰

恢復河湟賦序崇寧壬午。皇帝卽位之三年。舉用俊良。歸河湟之地。案宋史崇寧二年癸未。王厚等取湟州。乃徽宗卽位之四年。賦中云崇寧壬午。皇帝卽位之三年。歸河湟之地。與宋史異。見雪明日與祝山人游東湖僧寺。案武林舊志。東湖在杭城東南隅。此詩滂爲杭州法曹時所作。

卷二

隋堤寫懷寄上右丞。案揮塵後錄載滂後遊蔡卞之門。宋史紹聖二年。蔡卞守尙書右丞。此詩上右丞而不著姓。疑卽卞也。

上曾樞密。案揮塵後錄。滂初交曾布。宋史紹聖四年。布知樞密院事。此詩卽上布也。

卷三

書禪靜寺集翠堂示堂中老人琳徑山詩。案浙江通志。禪師維琳與蘇軾毛滂酬唱。軾以琳名行俱峻。招住徑山。此詩乃滂爲武康縣令時所作。

無畏道人居觀音院奉寄一首。案浙江通志。維琳號無畏禪師。

東堂獨坐懷琳老二首。案湖州舊志。武康縣廳舊名盡心堂。宋嘉祐中。令王震建。紹聖中。令毛滂新之。卽東堂也。

卷四

正月三日遊證道寺。案吳興掌故。南齊祕書郎故宅捨爲齊昌寺。宋治平二年。改爲證道寺。在武康西二

百步。此詩滂爲縣令時所作。

卷五

賀右丞啓。郁乎西漢之文章。顯自北門之學士。案宋史列傳。蔡卞以翰林學士修國史。拜右丞。故曰北門學士。此文題不著姓。蓋欲避人指摘也。

卷六

上監司乞修縣學書。案嘉靖浙江通志。武康縣學。宋天聖中。令何湜建。建中靖國元年。令毛滂修。

卷七

再上時相書。謝安石寓居會稽。吏部尙書范汪舉爲吏部郎中。以書拒絕之。案晉書職官志。晉代有曹郎。無郎中之官。中字疑衍。

卷八

上劉中書侍郎書。案宋史。元祐元年。劉摯拜中書侍郎爲相。摯永康人。與滂隣近。故書中有天子相劉公。實吾鄉之人云云。題原本脫侍郎書三字。今補。

卷十

雙竹贊。政和甲午。臣某蒙恩佩嘉禾章。案衢州府志。滂於政和中。以祠部員外郎知秀州。故云佩嘉禾章。

四庫全書考證卷八十

集部

竹隱畸士集

洪龜父集

跨鼈集

忠愍集

龜山集

橫塘集

老圃集

丹陽集

莊簡集

東臆集

忠惠集



櫛溪居士集

忠穆集

紫微集

東牟集

三餘集

大隱集

栢欄集

澹齋集

潛山集

雲溪集



竹隱畸士集 宋趙鼎臣撰

卷一

鄴都賦。斬晉脊以中斷。連代襟而外縈。原本縈訛索。今據韻改。又邀乙發以計功。揖高光而第課。原本乙訛乞。又邦有淫祀。西門廢之。原本廢訛發。今並改。

卷二

次韻滕子濟禮部考古圖。哀哉泗水沒。不復知鬼魑。原本沒訛設。據史記改。次韻李祖武道中見寄。主人恩義重。彈劍思一來。原本彈訛禪。今改。

卷三

次韻何德之喜雪。自慚追琢費巧心。欲爲不托嗟無麵。原本琢訛遂。今改。梅花下置酒。粲然顧我低欲笑。斂衽對之那忍折。原本折訛思。今據韻改。次韻洪琳父。故持濁酌作勝供。往助脫粟陪羹藜。原本脫訛飲。今改。

卷四

騎立山禱雨。其一。江漢威南及。嵩邱勢北連。原本邱訛印。今改。其二。馬足盤山肋。泉聲漱石根。原本肋訛助。今改。

輓故致政大夫詩。乍捧毛生檄。初登賈傅年。原本毛訛先。今改。

卷六

汪彥文以葆真韻見贈。三伏偶乘偷暇日。一杯聊作暫閒人。原本杯訛杆。今改。
賀韓子蒼遷居。烏來屋上看殊好。燕集梁間喜有餘。原本燕訛喜。今改。

卷八

賜笏謝表。仍擇滿床之富。重班拄頰之奇。原本拄訛柱。據世說改。

代賀收復鄜州表。黃童白叟。盡襲衣冠。蔥嶺玉關。復頽正朔。原本關訛開。據漢書改。
鄧州謝表。莅東壁之圖書。默慚忝冒。剖南陽之符竹。曲荷矜憐。原本剖訛部。竹訛行。並改。

卷九

薦霍侍禁換文資狀。被之儒服。宜有可觀。原本被訛徒。今改。

卷十

繳進河議奏狀。則雖竭天下之力而回之。猶將請諸朝而不敢以爲費也。原本竭訛及。天訛矢。今改。
賀荆尚書啓。德聲孚聞。衆望允愜。原本孚訛浮。又身暫退於江湖。譽益隆於中外。原本脫外字。今並增改。

卷十一

謝宏詞啓。堂克肯以寧。躋。氈。表青而故在。原本脫肯字。今增。

卷十二

定州州學私試策問。其一。平居以來。富厚之藏。緩急得資。師衆之費。原本厚訛貴。今改。
廷試策。任官以資格。則雖賢有所不伸。取人以言語。則雖鄙有所倖進。原本賢訛言。今改。

卷十三

邇英閣無逸孝經圖後序。今往何鑒。顧先民之有言。人亡則書。亦伐柯之不遠。原本民訛命。今改。

卷十六

諸廟謝雪祝文。是神之深閔於民。而曲赦吏之罪也。原本神訛臣。今改。

卷十七

韓公行狀。天官掌詮。敍百官之資品。分曹以四。而侍郎右選爲最劇。原本右訛又。又寇來則禦去勿追。

原本追訛遣。又所論奏率施行。原本脫行字。並增改。

書陸靈傳後。武帝窮奢極侈。以奉其欲。旣而耗匱。無所取資。乃尊貴靈族。以誘致天下。原本耗訛好。今改。

洪龜父集 宋洪朋撰

卷上

雪霽陪諸公登滕王閣。伊子千載裔。未鍊八瓊藥。原本八訛入。案黃庭經。惟待九轉八瓊丹。註八瓊。謂朱砂。雄黃。空青。流黃。雲母。戎鹽。硝石。雌黃也。今據改。

陪諸公步城北分韻。得亦字。想見盤礴地。鮮飈生兩亦。案許慎說文。亦。人之臂亦也。从大象兩夊之形。徐鉉曰。別作腋。非。詩本用盧仝七椀茶事。故以腋作亦。

歲暮黔雷運天機。四氣莽回互。原本黔訛默。案司馬相如大人賦。左玄冥而右黔雷兮。今據改。

跨鼇集 宋李新撰

卷一

祭先農。我藝我黍。我斂我稷。爲醴爲酪。斟酌吉禮。案稷禮二字。於韻不合。考戴侗六書故。有稷稷同聲之說。蓋本此。

卷七

從辟瀘南道中曉征。其一。山銜落月金盤缺。馬踏清霜玉佩寒。原本缺訛鉄。今改。

卷十四

韓長孺論魏其武安廷辯灌夫事。天子待長孺一言而決。原本灌訛權。據漢書改。
龐法擬魏臣論。昱知劉岱之不可與謀。原本岱訛備。據三國志改。

卷十五

唐治不過兩漢論。使陳平不運奇。闕氏不解圍。索爲泗上亭長不可得。原本奇訛闕。據漢書改。

卷二十二

上興元呂守書。凡所謂南阮北鄭。萬石八葉。隴西李。城南杜。自昔稱爲名家者。聲望相埒。原本阮訛院。據晉書改。

忠愍集 宋李若水撰

卷一

賀册立皇后表。願與華封同上多男之祝。肯令姬室獨推太姒之徽。原本姬室作京室。案詩京室之婦。乃詠太任。此文既用太姒。不得稱爲京室。謹遵旨改。

龜山集 宋楊時撰

卷六

神宗日錄辨興利之源。蓋自茲始。而莘老之比作俑者。亦不爲過論也。刊本莘訛衰。俑訛福。據前文及宋史改。

卷七

王氏字說辨。犧牲完而生之義。所以始物。刊本始物二字互倒。據上下文及字說改。

卷九

史論。賈誼出於織薄販繒之武夫。刊本薄訛簿。據史記改。

卷十

語錄。兄弟之子猶子也。刊本脫猶字。據禮記增。

卷二十

答胡康侯書。其五。若此類。皆臨文不諱也。雖魯亦然。刊本魯訛周。據下文改。

其八。惟王及后不會。特膳服之類而已。刊本后下衍世子二字。據周禮刪。

卷二十二

與李丞相初撫三路檄。鼎師進兵討楊么。刊本么訛公。據宋史改。

卷二十四

南劍州陳諫議祠堂記。士氣不振。積至於崇寧。刊本寧訛宣。據宋史改。

卷二十五

冰華先生文集序。細而爲樞櫨居楔。刊本居訛居。今改。

卷二十六

跋諸公與徐仲車詩冊。刊本闕車字。據宋詩紀事補。

卷二十七

雜著已寫風猷傳樂府。更磨琬琰一時刊。刊本琬訛琴。據史記及汲冢周書改。

卷三十二

令人吳氏墓誌銘。哲宗朝贈大理評事。刊本哲宗二字互倒。今改。

卷三十三

御史游公墓誌銘。轉朝請郎。刊本請訛清。今改。

卷三十八

題愚齋高義輕簾金。刊本簾訛羸。據漢書改。

卷四十二

虛心亭。亭對浮筠縹緲間。注。蓬萊山有浮雲之幹。葉青莖紫。刊本脫莖紫二字。據拾遺記增。
藏春峽。刊本峽訛參。據本集改。

橫塘集 宋許景衡撰

卷一

庚子歲作我本山中。人中年墮紛華。洞庭罷香火。還尋舊生涯。案景衡於宣和初。官中書舍人。以辨白李光程瑀落職。予祠。故有洞庭罷香火之句。題云庚子。蓋宣和二年也。

卷三

寄竹閣巨師。鹿苑西湖上。烏臺北斗旁。案咸淳臨安志。竹閣在西湖孤山。故云鹿苑西湖上也。

題壽聖院。古寺重門裏。回廊一徑幽。水聲長帶雨。山色最宜秋。寓宿已多日。題詩更少留。此生隨利祿。行路日悠悠。案名勝志及浙江通志。俱作聖壽禪寺在溫州瑞安縣仙巖山。并載有許景衡詩。句字皆同。此題作壽聖院。誤。

卷四

三月十九日同亨仲按樂大晟。案景衡於靖康中官太常少卿。此詩當作於其時。又出火星壇方肇祀。聯鑣樂府按新音注。辰火舊無祭。今創舉。案宋史禮志。紹興三年。詔祀大火。春秋設位。此詩可以互證。寄仙巖元上人。案仙巖寺志。詩題作登仙巖寺。與此互異。

甲辰春作。案景衡以中書舍人落職。予祠。故詩云香火。祠庭即隱淪。蓋作於宣和六年也。天寧節。上壽紫宸。退詣相國寺。祝壽。宴尙書省。案事物紀原。相國寺在東京。宋制。帝后聖誕。於相國寺祝讚。故景衡以詩紀事。

卷五

次韻黃堯翁南漪堂書事。南漪勝槩。歷西湖。珍重瀛洲肯寓居。案浙江通志。南漪堂在錢塘門外菩提寺西。蘇軾曾作詩紀詠此。卽其地也。

初至郡。九仙巖洞寒林外。千寺樓臺落照中。郡人更說明年好。綠葉垂垂荔子紅。案景衡以侍御史出知洋州。故有九仙巖及荔子紅等句。

卷七

劉慤致仕合換武節郎制。原本脫郎字。據宋史增。

卷八

謝御史中丞表。案景衡於南渡初。除御史中丞。此表蓋上於其時。又講禮奉常。兼冒銅龍之直。試言禁

掖。旋陪金馬之游。案景衡以左正言。改太常少卿。遷中書舍人。故有此語。

辭免右丞表。案宋史宰相表。建炎元年十二月。景衡除尙書右丞。此表蓋上於其時。

卷九

論宗澤劄子。案宋史許景衡本傳。景衡爲御史中丞。時上留宗澤劄子。卽此也。

辭給事中劄子。案景衡於靖康時罷職。高宗卽位。卽以給事中召。乃建炎元年事也。

卷十一

論救李光程瑀疏案宋史列傳時李光爲侍御史程瑀爲正言以言事除職景衡上論之卽此疏也

卷十三

建州知府蘇修撰賀冬啓揮毫秘殿文采固已絕人分竹閩山豈弟見于善俗原本竹訛行今改

卷十五

代上何相書案宋史宰相表大觀元年正月以何執中爲尙書左丞中書侍郎至政和六年始罷何相卽執中也

老圃集 宋洪芻撰

卷上

題黃稚川雲巢案豫章續志分寧縣櫻桃洞黃公準讀書處公準字稚川雙井人結茆于洞之巔號曰雲巢原本作雅川今據改

戲用荆公體呈黃張二君張公子時相見原本子下脫時字據漢書增

丹陽集 宋葛勝仲撰

卷三

上揚州塞尙書書棄其葦爾之官守挈之而西川陸走二千里原本二千里訛二十里案本傳勝仲爲杭州司理林希薦之于朝由杭至汴京應作二千里今改。

上兖州太守書商君佐秦氣燄可炙而趙良以苦言藥之原本良訛驥據戰國策改。

卷四

賀韓學士啓預蒞禮於曲臺復讎書於內閣原本蒞訛絕據漢書改。

卷五

答周舍人賀冬啓律回葭管登臺爰紀於祥雲星次斗躔推策載迎於長至原本斗訛牛案月令仲冬之月日在斗今據改。

卷六

策問藩鎮杜牧謂由五敗不去詳考事實殆真有之原本五訛又據杜牧罪言改。

卷七

梁論且武帝享御四十八載矣原本四十八載訛十載據梁書改。

論彰義高霞寓輕悍寡謀統制不善敗於鐵城原本鐵訛文又憲宗由裴度而得李愬由愬而得王士良原本王訛丁並據綱目改。

卷九

端誠殿芝草頌。紫脫匪珍。黃鬚匪異。原本鬚訛髮。據漢書班固傳改。

跋陳去非右丞畫山水。談者謂右丞詩合國風。畫山水。楊子華之聖。原本楊作關。案畫譜無關子華。惟北齊有楊子華。世祖時使居禁中。天下號爲畫聖。今據改。

卷十五

朝奉郎葛公行狀。松楸改色。載承雨露之私。綸綺藏家。永作雲來之勸。原本來訛未。據爾雅改。

卷十九

出院有期呈同院。裴頭黃尾皆前定。王後盧前漫自分。原本王訛楊。案楊炯語云。愧在盧前。恥居王後。今據改。

卷二十四

附錄行狀。七年遷大司成。以前任司業訓導高麗生有勞。原本司業訛祭酒。案本傳及此篇行狀中。政和四年擢司業。是年始除祭酒。應是前任司業。今改。

莊簡集 宋李光撰

卷四

送廖用中侍郎知漳州。供帳都門疏受去。懷章郡邸買臣歸。原本買訛賈。今改。

卷五

二月九日北園小集臘酒漸開浮綠蟻春芽初破淪新泉原本淪訛淪今改

卷七

端居無以遣興偶成其一
枕榔澀勒易成林
午枕蕭然一榻深
原本勒訛勒今據蘇詩倦看澀勒暗蠻村語改

卷十一

進裴度平蔡州故事吳元濟勁兵銳卒多屯洄曲原本洄訛洄據唐書改

卷十二

乞增選臺諫狀臣在宣和間初除尙書郎案光本傳光在徽宗時知常熟縣移令吳江後除太常博士遷司封此疏卽其時所上今云除尙書郎與本傳不同

卷十三

移昌化軍安置謝表遭時遇主妄有意於功名抱槩懷鉛本無稱於翰墨原本槩訛暫今改
答婺州交代傅龍圖啓期年報政方興襦袴之謠一節趨朝亟奉絲綸之寵原本襦訛儒今改

卷十五

與胡邦衡書乃因次子孟堅爲鄉人所中云僕嘗作私史案趙姓之遺史云紹興二十七年光親家陸升

之告秦檜曰。光之子孟堅。著成野史。書太師罪惡。檜怒。囚孟堅於獄。此書正指其事。

東臆集 宋張擴撰

卷一

子溫姪。用再聞誦新作。突過黃初詩。作十詩見遺。次韻其八。渠有酒百壺。買舟從伯郎。原本伯郎訛百郎。案三輔黃圖。孟佗字伯郎。以葡萄酒遺張讓。今據改。

曾徵言學士求賦所蓄端硯。平生倚石丈。什襲費調護。原本丈訛支。據石林燕語改。又案此詩載於硯箋內。作中窪削空成。外鑿餘雷斧。與此微異。

卷六

劉光世除太傅。守和衆輔國功臣。護國鎮安。保靜軍節度使。揚國公。致仕制。案宋史職官志。賜中書樞密臣僚功臣共二十二字。賜皇子皇親文武臣僚外臣功臣共三十八字。賜諸班直將士禁軍功臣共二十八字。內並無和衆輔國四字。存此可補官制之缺。

卷八

呂希常奉使有勞。轉一官制。聞命引道。匱薄良勤。原本薄訛薦。案漢書王吉傳。夏則爲大暑之所暴炙。冬則爲風雨之所匱薄。今據改。

卷十四

田彥宣承襲銀青光祿大夫檢校國子祭酒知京賜州兼監察御史武騎尉充東路都誓首制案都誓首。宋職官志無此官。考西南溪洞蠻傳。建隆四年。前溪州刺史田洪贊等列狀歸順。詔以爲萬州刺史。初。北江蠻酋最大者曰彭氏。世有溪州。總二十州。皆置刺史。而以下溪州刺史兼都誓主。十九州皆隸焉。據此則都誓首當卽都誓主。而田氏乃其世襲耳。

忠惠集 宋翟汝文撰

卷二

陳覺民起復陝西運使制。案氏族類彙載覺民嘗爲福建運判提刑。改廣東提刑。不言其轉運陝西。此可以補其缺。

种師中。湟州觀察使侍衛親軍馬軍都指揮使制。案宋史師中傳云。歷知環濱邠州慶陽府秦州。不言其爲湟州觀察使。此可補史之缺。

大中大夫提舉亳州明道宮劉奉世除端明殿學士致仕制。案宋史奉世傳。政和三年。復端明殿學士。此制當在是時。其領宮觀本傳不書。

卷五

賀收復涅鄆表。葱嶺金城。不日在廣輪之數。泰山玉牒。何時修封禪之書。案鶴林玉露。紹興間。黃公度榜。第三人陳修。解試四海望中興之美賦。第五韻云。葱嶺金堤。不日復廣輪之土。泰山玉牒。何時清封禪之塵。高宗親書此聯。黏之殿壁。今據此表。則修乃用汝文語。而當時不知耳。

代謝賜玉帶表。案宋史大觀二年五月。賜蔡京玉帶。此表當是代京作。

卷六

代謝史成加恩表。案東都事略。及宋史鄭居中傳。居中以少傅封崇國公。宣和三年加少師。此表當是代居中作。

卷九

賀除司空啓。案宋史崇寧三年。蔡京除司空。此當是賀京啓。

賀拜太尉啓。案宋史大觀元年。蔡京拜太尉。此當是賀京啓。

賀除開府儀同三司啓。案宋史宣和元年九月。蔡攸除開府儀同三司。此當是賀攸啓。

賀譚太尉平寇啓。案譚稹平睦寇。在宣和三年。但稹拜太尉。據東都事略。編年備要。宋史諸書俱不載。

賀除少師啓。案宋史宣和五年五月。蔡攸以燕山平。拜少師。此當是賀攸啓。

卷十

齊州謝雪祝文。擁幼艾爲民正也。原本正訛上。據離騷改。

櫛溪居士集 宋劉才邵撰

卷二

慈寧壽慶曲。案宋史高宗本紀及章賢妃傳。紹興十二年八月壬午。皇太后還慈寧宮。十月甲申。皇太后生辰。上壽于慈寧宮。此詩當作於其時。又龍舟移棹渡淮水。金車歸來長樂宮。案宋史全文續通鑑。紹興十二年八月。皇太后渡淮。又臨平山色映雕輦。草木光榮佳氣浮。案宋史全文續通鑑。八月辛巳。奉迎皇太后于臨平鎮。上初見后。喜極而泣。又由來孝弟能通神。聖主功成在得人。案宋史姦臣傳。建炎四年。秦檜自軍中歸行在。帝曰。檜樸忠過人。朕得之喜而不寐。詩意指此。又誰云高高難感格。一德協謀天所因。案宋史。檜言欲主和議。乞專與臣議。勿許羣臣議。詩意指此。又昭然獨斷納遠策。重見元愷承華勳。案宋史。檜於紹興元年拜同平章事。二年落職。八年復拜。詩意指此。又案史謂才邵爲時相所忌。出知漳州。而此詩乃頌檜若此。想是受旨而作。又聖情孜孜天不倦。宮中預建慈寧殿。案宋史章賢妃傳。紹興八年。王倫使金回。言金主許歸后。遂豫作慈寧殿。詩意指此。又孝心錫類兆民賴。湛恩協氣充人寰。案宋史全文續通鑑。紹興十二年九月。大赦天下。詩意指此。

卷三

春日郊居。其一。曲沼波初凸。繁花曉欲蕩。原本凸訛西。今改。

立春內中帖子詞案宋史全文續通鑑紹興十三年春正月辛丑立春節學士院進春帖子詞自建炎以來久廢至是始復之

其五果慶回鑾功已就纂修事實示無窮案宋史全文續通鑑紹興十二年十一月詔禮部侍郎兼實錄修撰編修太后回鑾諸盛事付史館此詞可以互證

卷四

皇太后贈曾祖制案宋史全文續通鑑紹興十三年冬十一月合祀天地於圓丘此制當是因郊祀而降覃恩追封隆祐皇太后之三代也然史但書大赦而不及褒封之文蓋從略也

卷八

漳州到任謝表考才邵出知漳州在紹興十六年

謝除給事中表考才邵未嘗爲給事中此表當是代人作

辭免工部侍郎表案史載才邵拜工部侍郎在紹興二十五年

卷九

謝詞學科第二人啓案才邵於宣和二年中宏詞科

回謝除軍器監啓考才邵於紹興十一年除軍器監

賀宏詞魁洪學士啓案洪遵於紹興十二年中詞科第一才邵曾與分校

卷十一

建造玉牒殿上梁文。案宋史職官志。紹興十二年。始建玉牒所。此文當作於是時。

忠穆集 宋呂頤浩撰

卷一

上邊事備禦十策。選將材。李漢超守關南。原本脫南字。據宋史改。

訓彊弩。蘇秦合從說韓曰。谿子少府。時力距來。皆射六百步之外。原本韓訛諱。又脫谿子二字。又一人

當百。不足道也。原本脫百字。並據國策增改。

備水戰。曹操捨鞍馬。仗舟楫。與吳越爭衡。原本脫爭衡二字。據吳志增。又王濬伐吳。大造船。連舫。方百

二十步。受二千餘人。以木爲城。起樓櫓。開四出門。其上皆得馳馬。原本四出二字。互倒。據晉書王濬傳改。

卷二

上邊事善後十策。論舉兵之時。臣於紹興二年十一月初八日。嘗備引杜牧之論。具劄子陳奏。原本二年誤作十二年。案本傳紹興二年。頤浩大議出師。又頤浩卒於紹興九年。不應有十二年陳奏事。今據宋史改。

卷三

除右僕射乞復元祐臣僚恩數劄子。紹聖間。章惇、蔡京、蔡卞兄弟之徒。各快私意。原本脫惇字。今增。乞免給降空名告劄子。自童貫開邊。後來統制官乘國家多事。每遇出兵。過有要求。多乞空名告劄。原

本。貫訛冠。今改。

卷四

特謝轉朝奉郎表。泮宮十暑。佔畢何功。宗學三霜。傳經甚陋。原本。泮訛伴。案本傳。頤浩以邠州教授。除宗子博士。今據改。

卷五

論乞於邕州置買馬司狀。昔馬伏波於交趾得駱越銅鼓。乃鑄爲馬式。原本。馬式訛民式。據東漢書改。乞依舊宮觀狀。臣聞周文王謂鬻熊曰。先生老矣。原本。周文訛楚莊。鬻熊二字互倒。據鬻子改。又昔人所以獨取老者之謀。而又謂老者不以筋力爲禮。原本。禮訛事。據戴記改。

卷七

跋范堯夫、范彝叟、范德儒墨迹。崇寧初。爲邠州州學教授。學有三范祠堂。蓋邠州屬環慶路。而文正、堯夫、德儒皆嘗爲環慶路帥。原本脫屬字。案宋政和七年。置環慶路。邠州屬焉。今據輿地志增。

雄州道中寄沈和仲侍郎詩。注。范蔚宗云。用之則爲虎。不用則爲鼠。案此係東方朔非有先生論。原註誤。

卷八

燕魏雜記皇甫湜有言昔神堯以一旅取天下而後世子孫不能以天下取河北案此係李翱之文誤引

紫微集 宋張嶠撰

卷一

紹興中興上復古詩案宋史本傳嶠提舉江州太平興國宮時方修好息兵朝廷講稽古禮文之事乃作中興復古詩以進上將召用焉又張嶠初因秦檜得用此文蓋其罷官後借以修好於檜者故多頌檜之功其文殊不足取

卷三

過平陵漢蘇建所封寒食光輝薄古原多夕陰原本陰訛隱今改

卷四

勸農偃月生林梢已舉候亭火原本亭訛高據韋應物詩改
早行可驗去人遠烏鳶低作巢原本低訛紙今改

卷五

種植詩坐待沈寥秋色濃
鞠衣仙人來御風原本待沈訛侍沈今改

卷六

山前紅葉詞人歌火織。原本。織訛織。據昌黎詩改。

卷八

詠梅其一。爲說西園泉脈動。許攜小隊探春來。原本。脈訛詠。今改。
九日其二。禾收原野將成廩。楓落江湖欲授衣。原本。楓訛風。今改。

卷九

讀太平廣記。其三。十年烜赫南柯守。竟日歡娛審雨堂。案劉後村詩話原注云。有人夢入蟻穴。榜曰審雨堂。此詩蓋詠其事。

卷十六

故祖母侯氏贈韓國夫人制。筭珈象德。旣荒吳地之山河。湯沐徙封。更啓韓侯之士宇。原本。筭訛算。今改。

卷二十三

衢州謝到任表。案宋史本傳。宣和十年。嶠因万俟卨論罷家居。後復起。知衢州。此表當卽此時所上。

辭免兼實錄院檢討官劄子。案宋史本傳。嶠以宣和十年。擢中書舍人。升實錄院同修撰。此劄子當卽是時所上。

卷二十四

論攻取案此篇略載宋史本傳係紹興五年召對所上疏。

卷二十五

上疏論地震案宋史本傳載此係宣和六年事時嶠除祕書正字。

爲王德田師中除正任承宣使繳奏狀案宋史本傳宣和十年嶠擢中書舍人升實錄院同修撰因上此奏狀宋史但渾稱王德等此並舉田師中可以互證。

卷二十七

問候秦樞密啓遂使佛狸消飲馬之心苻堅挫投鞭之志原本苻堅訛文王今據十六國春秋改。

卷二十八

代人賀范漕啓伏轅老驥敢懷空谷之芻涸轍窮鱗正賴西江之水原本脫涸字今增。

與同官趙漕啓文章運白賀之華禮義蹈間平之美原本間訛問案梁書宗室傳論安成南平鄱陽始興俱以名迹著蓋亦有漢之間平矣間謂河閒獻王平謂東平王蒼也今據改。

東牟集 宋王洋撰

卷一

七月八日小雨弄廉纖簷馬鳴細碎原本簷訛竹今改。

次韻李叔飛墨客冠再彈蒼官仕三已原本官訛冠據博物志改。

卷十二

問候孫尚書啓何敢望長枝之棲鳥便欲希恩亦非同惡水之病鴟遽忘報德原本惡訛聚據韓昌黎詩改。

答滌倅章朝散啓矧一臺獨集於二妙而千金俱重於連城原本脫二字據晉書補。

三餘集 宋黃彥平撰

卷一

送徐穉山江西漕烟鬟小姑山曉鏡女兒浦原本山訛宙今改。

大隱集 宋李正民撰

卷八

寄彥章內翰敢謂交遊同阮謝不妨詩句敵陰何原本阮訛苑今改。

卷九

次韻葉舍人其三峯巒對戶千重碧穉榼連雲六月涼原本重訛里今改。

寄德邵其一。活溪難繼中興頌。西塞重尋漁父書。原本。活訛梧。今改。

卷十

瓶花臨鸞競洗晨妝面。疑是春風入戶來。原本。來訛內。今改。

枿欄集 宋鄧肅撰

卷三

偶成。孤燈明滅縱蚊雷。原本。蚊訛文。今改。

卷九

玉山避寇滿船載瓊漿。原本。漿訛攀。今改。

卷十

再次壯字韻。禪悅得文暢。原本。悅訛脫。暢訛陽。今改。

卷十一

一剪梅。漁笛一聲天地秋。原本。笛訛箔。今改。

卷十五

丹霞禪師行化序。一瓶一鉢。來自丹霞。原本。鉢來訛銖朱。今改。

澹齋集 宋李流謙撰

卷一

送羅制參若爲化檣鳥。親送帆檝行。原本化訛花。今改。

病中安得七發賢。相從觀海濤。原本發訛廢。據枚乘七發改。

從馮黎州飲梅林。分韻得時字。落檠不動塵。初無犀駭雞。深酌起自勸。非族不在斯。案駭雞句下。宋詩紀

事有羞我木石資。鬪公瓊瑤詞一聯。又非族不在斯。宋詩紀事作滕莒吾封圻。

馬德駿微恙旣平。作此勞之。問丹勾漏迂。訪道弱水疲。原本漏訛滔。據晉書改。

余舊服朮。迂其效。棄去。比過臨邛。蒙李文丈分惠。并副以詩。次其韻。以自警。見彈思炙美。拊手鶡未許。原本

鶡訛鶡。據莊子改。又恐爲石髓凝。亦防山鬼妬。原本凝訛疑。據晉嵇康傳改。

過大信口。江形若飄然。此山乃其口。原本形訛行。今改。

卷二

送無害弟之官。火宿用彌壯。鶯伏飛無前。原本宿訛夙。據揚子火用之而彌明。宿之而彌壯語改。

送孫賓老宰丹稜。人生植宇宙。孰爲不朽計。原本孰訛就。今改。

木芙蓉。秋光冷如冰。秋花淡無色。原本無訛如。今改。

題宇文叔昭閱齋支離竟能賢青黃未足賀原本黃訛庶據莊子改
彥博見和暑中之作復用韻謝誰知三百篇學仙要仙骨原本仙並訛遷今改

卷三

送虞提宮天上應有人間無相門出相古來有原本門訛公今改

池上擘蓬截藕尙堪餐一醉何辭碧筩美原本筩訛筩今改

追何子應少卿赴召追鋒一日來劍外破浪帆開矢離括原本鋒訛降案晉書有追鋒車今據改
送襲路費漕先生要是世所寶大貝白璧金丹砂原本貝訛貝今改

卷四

林夫體中不佳而能不廢翰墨既勿藥作詩賀之由來物理論根種虎生則斑鷹則擊原本理訛裏今改
拜嵩次山塔亦知露電難把玩但聽漚泡自生滅原本泡訛絕今改

自登道來馬谿作荒橋下馬久竚立孤塔懷人嘿惆悵原本荒訛黃今改

次德茂菱花韻三四鳧雛傍母眠盡付與秋秋亦領原本母訛無今改

登無爲冠鼈亭分韻得山字萬里碧玉圍青天遠樹如髮山如拳原本拳訛攀今改

卷五

平都山其二霧市朝仍合雲扉夜不扃原本霧訛務據後漢書改

謁無盡墓。何人窺畛域。投老見根源。原本源訛深。今改。
枕上被冷失孤蝶。霜清聞遠雞。原本蝶訛牒。據莊子改。

次仲甄韻。其一。露莧鉏晨甲。烟篁步夕陰。原本夕訛文。今改。

泛舟呈元質。照老。斷虹烟際渚。雌霓雨餘天。原本霓訛電。今改。

卷六

次黃仲甄峽中韻。不管行人聽不得。暝猿和雨嘯雲蘿。原本蘿訛羅。今改。

卽事。墮紅藉藉癡蜂醉。稚綠陰陰乳燕飛。原本墮訛隨。今改。

卷七

次韻仲甄見貽。却欣夜語仍連榻。尙憶朝回日典衣。原本日訛兵。據杜詩改。

卷八

海棠十二仙人玉琢欄。帶晴帶雨總宜看。原本晴訛時。今改。

卷十二

謝類省奏名啓。秦強周弱。初無蠻觸之爭。王後盧前。僅有唯阿之辨。原本唯阿訛惟何。據老子改。
上查總卿啓。遇躍冶之金。雖以不祥棄。待輪囷之木。或以無用收。原本祥訛詳。據莊子改。

卷十三

上樊運使啓蓋漕關中者深倚鄼侯故對宣室者少淹賈傅原本賈傳訛家傳據漢書改

卷十五

題待鶴亭記。椽脫棟搖。壁壞甃裂。瓢囊之瘠。往往舍焉。原本瓢訛飄。案荀子榮辱篇。糧食大侈。不顧其後。俄則屈安窮矣。其所以不免於凍餓。操瓢囊爲溝壑中瘠者也。今據改。

卷十六

無爲長老月公塔銘。丈室所須。皆取諸褚中。一錢不以累常住。原本褚訛楮。案莊子。褚小不可懷大。注云。褚布袋也。今據改。

潛山集 宋釋文珣撰

卷十一

鴈山靈峰寺。謝公嶺下靈峯寺。諾詎羅曾。向此居。案西域書。阿羅漢諾詎羅居震旦。東南際大海。雁蕩山。芙蓉。龍湫。唐貫休爲諾詎羅贊。有鴈蕩經行雲漠漠。龍湫宴坐雨濛濛之句。原本作諾詎那誤。今改。

雲溪集 宋郭印撰

卷五

輒朝請大夫李公詞。倒行日云暮。漏盡不知止。原本。倒訛例。據漢書改。

卷六

讀易一首。簡劉詔美。學易不識日月魂。盲人轉眼誤銅盆。原本脫人字。今增。

卷七

苦熱其三。日月雙風韠。乾坤一火坑。原本。韠訛韠。今改。

卷九

宿大明寺。烟竹寒垂幄。風松靜鼓琴。原本。垂幄訛乘握。今改。

衆香橋。堆雪醱醱潔。披風茵菖香。原本。雪訛雲。今改。

卷十

上曾安撫其二。五紀光陰驚電掣。一生忠孝仗天知。原本脫孝字。今增。

贈王君詔道人。千年古鏡心長靜。萬里飛雲身自孤。原本。鏡訛境。今改。

卷十一

春日雲溪卽事。禽聲路入笙簧裏。花色人行錦繡中。原本。簧訛篁。今改。

卷十二

正紀見遺梅花。不有幽人時賞玩。誰傳春信及寒香。原本。信訛新。今改。

四庫全書考證卷八十一

集部

北海集

鴻慶居士集

崧庵集

歐陽修撰集

蘆川歸來集

五峯集

北山集

浮山集

橫浦集

湖山集

香溪集



雲莊集

太倉稊米集

海陵集

晦菴集

晦菴續集

晦菴別集

方舟集

文忠集

東萊集

東萊別集



北海集 宋棻崇禮撰

卷一

故丞相高平范公輓歌辭其一。小車何耄耄。前席起公卿。原本車訛年。據漢書田千秋傳改。

題天台山石橋菴院。首句林麓陰森徑。屈盤五句霧暗雲蒸山。氣肅八句試出神光。變現看案天台勝紀。載此詩。作題石梁瀑布。屈盤作曲盤。霧暗作霜暗。變現作徧現。俱與此異。

卷二

宣奉大夫提舉亳州明道宮朱勝非。可除觀文殿學士。充江西荆湖南北路宣撫使制。案朱勝非本傳。高宗復辟。授勝非觀文殿學士。知洪州。除江西安撫使。兼知江州。此云荆湖南北路宣撫使。與傳文互異。觀制詞中。馴暴虎而卒無所傷。扶神器而終能返正。是舉苗劉作亂。宗高還宮時事。勝非遷官。自當以此制爲據。

卷五

資政殿學士朝請大夫。權知三省樞密院事。滕康可落職。提舉亳州明道宮。資政殿學士朝散大夫。權同知三省樞密院事。劉珪可落職。提舉江州太平觀制。案滕康本傳。康與劉珪。從隆祐太后如江西。金人絕江而渡。御史張延壽劾之。康責授祕書少監。後乃復朝請大夫。提舉明道宮。觀此制詞。似未嘗爲祕

書少監而提舉明道宮卽責降時事與傳文小異。

卷六

除劉光世淮南東路宣撫使制。原本脫南字。制詞中宣撫誤作安撫。並據宋史本傳及後光世授寧武寧國軍節度使詞增改。

除吳玠特授檢校少師奉寧保靜軍節度使制。案宋史吳玠傳。玠復鳳秦隴三州。錄功拜檢校少師。奉寧保定軍節度使。考地理志。保定軍未建節度。宣和時已廢爲縣。惟肅州保靜軍。紹興初猶存其地。則玠授節度使自是保靜。非保定矣。此可以證史傳之訛。

卷七

除韓世忠特授太尉。依前武城威德軍節度使神武左軍都統制福建江西荆湖南北路宣撫副使。加食邑食實封制。原本脫副字。與制詞不合。考宋史世忠傳。作副使。職官志宣撫副使條下。載福建韓世忠有此授。今據增。

除朱勝非特授依前左宣奉大夫守尙書右僕射制。原本右訛左。考宋史勝非傳。先後俱爲右僕射。制詞中還升於右揆。亦與傳合。今據改。

除潘正夫特授檢校少保制。蚤承寧德之歡。晚託昭慈之愛。原本慈訛茲。案哲宗孟皇后諡昭慈聖獻。今據改。

觀文殿學士可除宣武軍節度使制。案此制原本失載人名。考宋史朱勝非傳。曾以觀文殿學士除宣武軍節度使。此制疑卽爲朱勝非作。

卷八

賜川陝宣撫使司張浚詔。原本不載人名。考宋史張浚傳。爲川陝宣撫使。吳玠最爲浚所知。觀詔中屢述玠事。則此詔爲賜浚無疑。今據增入。

卷十

賜新除資政殿大學士知溫州范宗尹辭免恩命。乞依舊宮祠不允詔。案宋史范宗尹傳。以沈與求奏劾其罪狀落職。未幾命知溫州。不載除資政殿大學士。此詔可補史傳之闕。

卷十一

賜檢校少保吳玠詔。增賁元戎。陞華亞保。案宋史吳玠傳。玠先以饒風嶺之戰。進檢校少保。後再錄仙人關功。爲川陝宣撫副使。據此詔書。則是玠從宣撫川陝之日。方除少保。傳文必有先後錯誤之處。

卷十二

賜戶部尙書兼侍讀黃叔敖乞除一在外宮觀差遣不允詔。原本戶訛吏。案詔詞遂長地官云云。則是戶部非吏部也。今據改。

卷十四

賜新除端明殿學士左朝奉郎充江南東路安撫大使兼知建康府充壽春府滁濠和州無爲軍宣撫使李光辭免恩命不允詔案江南東路宋史作江東路滁濠和州宋史作滁濠盧和與此小異

卷十六

賜知隨州李道獎諭勅書六月二十四日案勅書原注止載日月而不繫年號以宋史考之則皆建炎元年以後所降

卷十九

昭慈獻烈皇后改謚祝文敢詔告於僖祖立道肇基積德起功憲文睿武至孝皇帝案宋僖祖謚號史但稱文獻此祝文載十六字後又載十四字或係後來刪節此仍原文

溫州景靈宮奉安昭慈聖獻皇后祝文太宗至仁應道神功聖德文武睿烈大明廣孝皇帝案宋太宗謚號史但稱神功聖德文武與此祝文不合又真宗膺符稽古成功讓德文明武定章聖元孝皇帝案真宗謚號膺符宋史作應符成功宋史作神功此仍原文又英宗體乾膺厯隆功聖德憲文肅武容神宣孝皇帝案英宗謚號體乾下原本衍一道字宣孝原本誤作宗孝今俱據宋史刪改又神宗體元法古立憲帝德王功英文烈武欽仁聖孝皇帝皇伯哲宗顯天斷道世德揚欽文睿武齊聖昭孝皇帝案神宗謚號宋史作紹天法古運德建功英文烈武欽仁聖孝此惟下八字相符哲宗謚號宋史作憲元體道顯德定功欽文睿武齊聖昭孝此亦下八字相符未詳何時更定識之以備參考

卷二十一

論漢陳平降漢事。大王所賜金。具在。請封送官。原本請訛諸。據漢書改。

卷二十四

謝降官表。伏奉告命。以臣前任吏部侍郎日。緣同部侍郎孟庾。于臣私取案牘事。特降授宣教郎。案崇禮降官在任禮部之後。史傳闕載。今集中有降官復官二謝表。可備參考。

卷二十五

代李邴辭免尙書左丞表。考李邴傳。作右丞。案後謝表云。左綱之任。旁求乃先庸妄。則是左丞非右丞也。此可以證傳文之訛。

卷二十九

代宰執謝賜喜雪御筵奏狀。伏飲君恩。遂歌九行之節。下詢里俗。更觀三日之祥。原本歌訛軟。考穆天子傳。雨雪凍人。天子歌九行之詩。奏狀蓋用此也。今據改。

卷三十

上尙書李左丞啓。注。邴字漢老。原本字訛于。老訛考。據李邴傳改。

卷三十四

鄭公行狀。太學官周種。乞以王安石配享廟廷。案周種。宋史作周種。

卷三十五

王公墓誌銘。後徙爲濟南歷城人。原本歷訛禹。與題不合。考宋史王衣傳。作歷城人。今據改。

卷三十七

進歷代兵籌類要表。謹採擇兵法。配以往事。參較得失。與夫前王所以將將之術。列之于篇。凡十萬言。分百餘門。號曰兵籌類要。案表中云。凡十萬言。分百餘門。今永樂大典所載。不及其半。或後人有所刪汰。故其數不符。

廉正篇。昔趙衰以壺飧從徑。餒而弗食。原本趙衰訛趙襄子。據左傳改。

至公篇。李典不以私憾怨張遼。原本典訛曲。據三國志改。

卷三十八

志氣篇。杜預曰。德不可以企及。立功立名。可庶幾也。原本企及訛同久。據晉書改。

諸葛亮既拔冀城。顏色愀然。有吞魏之志。原本城訛成。據三國志改。

卷四十

誠感篇。安重榮立一箭。百步而射之。曰。石公爲天子則中。一發輒中。原本重訛童。據五代史改。

卷四十二

知將篇。周侯交不擇人而推心過差。原本交訛各。據陳書改。

卷四十三

君命篇。高崇文選兵五千。常若寇至。原本兵訛子。據新唐書改。

卷四十四

禮貌將臣篇。劉鄩歸太祖。太祖以為有李英公之風。授都押衙。太祖牙下諸將。皆四鎮舊人。鄩一旦居衆人之右。原本四訛曰。考五代史。劉鄩傳。太祖領四鎮。將吏皆功臣舊人。今據改。
內御篇。太祖征張魯。下教與護軍薛悌書。原本張魯訛免。據三國志改。

附錄上

降授宣教郎制。朕體無私于天地。行罰不阿于近臣。考大法于春秋。責人常備於賢者。案崇禮謝降官表。有經垂責備之文句。正對制詞。中春秋責備賢者而言。知其非自譽也。

翰林學士進兼侍讀制。案翰林學士及後篇。寶文閣學士。原本俱誤作中書舍人。考崇禮傳。由翰林學士兼侍讀。以寶文閣學士知紹興府。制詞甚明。題中偶誤。今並據本傳改。

附錄下

宋史列傳。欲乞訪求故臣之家。文獻事跡參照。案事。宋史傳誤作專。今從永樂大典。又嘗進唐太宗錄。刺史姓名于屏風故事。曰。連千里之封。得一良守。則千里之民安。原本封訛村。今據宋史本傳改。



鴻慶居士集 宋孫觀撰

卷一

疏山寺次白文林韻。原本脫次字。據宋詩鈔增。

卷三

南山寺夢覺灘聲喧客枕。原本灘喧二字互倒。今改。

卷四

洞庭善慶堂置酒。布穀休催種。提壺且勸酤。原本勸酤訛歡歌。據宋詩鈔改。

卷七

張大資夫人輓詞。早歲乘龍見伯鸞。賜衣霞爛出齋壇。原本壇訛宮。今改。

卷十

上皇帝書。漢昭帝覽燕國之詔書。而獨得上官桀之詐。原本昭訛商。據漢書改。

卷十三

回無爲知軍張徽猷啓。包茅不入。原本茅訛容。據左傳改。

卷十四

回趙解元啓。餐秋菊以療饑。紉春蘭而爲佩。原本餐訛如。據楚詞改。

卷三十六

宋故觀文殿大學士万俟公墓誌銘。蠟言樞貌。堯舜之徒。原本貌訛而。據柳河東集改。

崧庵集 宋李處權撰

卷一

題東坡枯木玉堂揮翰手。不數乘與褻。原本乘訛來。據漢書改。

贈術士要知安分者。魯叟正波波。原本波波訛坡坡。案岑參詩風塵奈汝何。終日獨波波。今據改。

卷二

次韻陳叔易其一。草碧波復綠。南浦愁送君。原本綠訛深。據江淹別賦改。

卷三

陪曾宏父登冷泉亭望飛來峰。神剏天畫不可狀。仰視孤高摩斗魁。原本剏訛利。據延平志神剏天劃語改。

夢江彥文。交梨火棗開心田。木鑽石盤今已穿。原本鑽訛鍾。據真誥中傅先生木鑽穿石事改。
文度以大笏見遺。奇偉特甚。南越巨象何壯哉。牙齒脫落歲幾枚。削木混真易以埋。玩視常恐生怒猜。原

本埋訛理據異物志改。

卷四

同二三子步溪上。鶯喧桑已樾。燕乳麥初芒。原本乳訛亂。今改。

卷五

觀潮其二。豈計雙鳧兼乘雁。誰分去馬與來牛。原本鳧訛鳥。據揚雄解嘲改。

卷六

陪德久出郊。公歸問訊菴中老。隻履西來意淺深。原本隻訛佳。據達摩隻履西歸事改。
題錢德載雙清堂。醉枕泉香分石脈。吟牕樹老出雲根。原本分訛兮。今改。

歐陽修撰集 宋歐陽澈撰

卷二

上皇帝第二書。昔毛遂以三寸之舌。強于百萬之師。刊本于訛爲。據史記改。

卷三

上皇帝第三書。肅清邊境。則有王韶、鍾傅、舒亶、种諤輩。刊本韶訛詔。據宋史改。

蘆川歸來集 宋張元幹撰

卷二

夜宿宗公丈室。林表登層閣。秋聲隱暮鐘。鷓歸苦竹寺。雨闌亂雲峰。案隱宋詩鈔作聽歸。宋詩鈔作鳴。與此不同。

次韻晁伯南飲董彥達官舍心遠堂。爐薰飄月影。蜜炬剪衣香。原本蜜訛密。案西京雜記。閩越王獻高帝蜜燭二百枚。詩意蓋本此。今據改。

喜錢申伯病起。其二。花飛傷宿雨。山潤照清晨。原本潤作澗。今從別本改。

卷三

訪親於連江。因過筠溪。茅茨漏久蝸涎篆。籬落欹多蛛網圍。原本脫篆字。蛛訛結。並據宋詩鈔增改。

卷五

蘭陵王。相思除是向醉裏暫忘却。一本作相思前事除夢魂裏暫忘却。與本調不合。詞律曾辨之。石州慢。雨急雲飛。驚散暮鴉。微弄涼月。案驚散暮鴉二句。六十家詞作瞥然驚散暮天涼月。與本調不合。八聲甘州。共一樽明月。顧影爲誰。原本共一樽明月。作共此一樽月。與調不諧。今從六十家詞改。其二。更潮頭千丈。江海兩崔嵬。案更潮頭六十家詞作東湖頭誤。

卷六

如夢令。乞巧夜樓空。月妬回廊私語。原本夜訛度。據六十家詞改。

怨王孫。小研魚牋信。原本研訛訝。六十家詞作研。案清異錄。姚顛子姪。善造五色箋。文縷奇細。號研光小本。訝與研俱爲研字之訛。今改。

卷七

樓上曲。樓外夕陽明。遠水樓中人倚東風裏。案樓外詞律作樓上。誤。千秋歲。星雨兩秦階。已應昇平象。原本脫已應二字。據六十家詞增。夜遊宮。擁紅爐酒。窗間惟稷雪。案稷雪一本作霰雪。誤。考說文。霰。稷雪也。後人誤改作霰。踏莎行。劣薄東風。天斜飛絮。案天斜一本作顛斜。誤。考天斜見白居易詩。後人誤作顛。

卷九

亦樂居士文集序。又得山谷隳栝詩律。於是少陵句法大振。案栝別本作括。考荀子。枸木必待隳栝烝矯。然後直。淮南子。其曲中規。隳栝之力。字俱從木。宜以永樂大典本爲正。

福州連江縣潘渡石橋記。侯思慮精密。善揣摩。用鉤距。略不畀付胥徒。原本距訛鉅。據漢書改。跋東坡帖。往在東都。見王丈樂道。出示汝陰所藏歐陽文忠公雜書盈軸。多用片紙。問事于宋景文諸公。不以前輩自居。而恥于下問。此其爲儒宗也。案宋史。宋祁齒爵俱先於歐陽修。故修上新唐書。以祁爲

先進且于唐書功多。各著其名以自異。元幹此跋以修爲祁之前輩。殊誤。

卷十

晉安黃夫人墓誌銘。治家斬斬有條理。原本斬訛漸。據昌黎曹成王碑改。

卷十一

茶勝。大目溪邊。誰論去來之相。小華峰下。聿新圍繞之儀。原本目訛。因案一統志。侯官縣大穆溪。一名大目溪。今據改。

五峯集 宋胡宏撰

卷一

紫蓋峯。呈伯氏兼東彥達先生。刊本脫兼東二字。據別本增。

碧泉九日。當時祓禊千華好。刊本祓訛夜。今改。

卷二

上光堯皇帝書。至誠而不動者未之有也。刊本未之有也。訛有矣二字。今改。又必欲足食足兵。刊本足俱訛廷。今改。

與曾吉甫書。佛氏實見道體。差了途轍。刊本闕體。差了三字。據下文補。

卷三

彭君墓誌銘。謹案彪氏出於楚鬬穀於菟。實令尹子文。刊本於訛發。實訛寶。今改。
題大學。不負爾曾叔祖敦厚本宗之志。刊本負曾二字互訛。據上文改。
論史。周亞夫先不肯救梁。刊本救訛故。據漢書改。

卷四

詩始周南條。睨地伐漸不可耐。原本缺睨字。耐訛奈。並據隋書補改。

卷五

賁六三注。趙遷之殺李牧。刊本牧訛爲。據史記改。

北山集 宋鄭剛中撰

卷一

除權尙書禮部侍郎轉通直郎疏。黽勉周章。寸長不效。刊本章訛皇。今改。

卷四

代人求知書。擁腫凡下。豈在佳士之目。刊本腫訛踵。據莊子改。
上王舍人啓。但慮類申申。急欲綬若若。刊本綬訛緩。據漢書改。

卷五

記旱。蝸角有觸蠻之國。刊本觸訛綿。據莊子改。

卷七

代族兄宗魯作母侯夫人行狀。刊本脫宗字。據下文增。

卷九

答潘義榮書。此亦一日必葺之意也。刊本必訛非。據左傳改。

卷十二

胡德輝出守桐廬。取令狐楚移石幾回敲廢印。開箱何處送新圖之句。字分爲韻。刊本令狐楚訛作劉禹

錫。據全唐詩改。

卷十三

西征道里記。金明池。刊本金訛今。據河南通志改。

卷十七

朝旨策。恭惟治朝。講信修睦。刊本複衍朝字。今刪。

卷二十

答何憲掄仲書。張敞嘗謂朱邑曰。伊尹。呂望。其人不因閣下而進矣。刊本張敞朱邑四字互訛。又伊尹呂

望訛作臯夔稷契。並據漢書改。

卷二十一

客惠賓州竹簾。卷送風漪光八尺。刊本尺訛赤。據昌黎集改。

浮山集 宋仲并撰

卷二

祝子權見寄。三徑定回俗士駕。百年今見故人心。原本徑訛遠。今改。

鄭倅德興平江官滿。有詩見寄。就使淵明頻日醉。能爭伯玉幾年非。原本玉訛魚。今改。

卷五

蘄州到任謝表。案是篇卽周必大原序所稱。以古文就今體。自成一家者。又少習徒在。固自鄙其雕蟲。

壯志無成。或共憐于畫虎。原本蟲訛蠱。畫訛盡。今俱改。

代郡守到任謝表。整七萃而省方。勵百僚而圖治。原本萃訛瘁。案七萃見穆天子傳。今據改。

卷六

代辭免轉官表。千載一遇。身獲附于風雲。萬歲三呼。心益傾於葵藿。原本葵訛蔡。今改。

卷七

賀新知平江府李侍郎啓。頃承警欵之餘。猥接茵馮之末。原本茵訛菌。案史記周陽由傳。汲黯與由同車。未嘗敢均茵伏。漢書作茵馮。霍光傳作細馮。師古註。細亦茵。馮謂所馮者也。今據改。

卷八

上宰執啓。明堂登杞梓之材。樗散何用。清廟薦珪璋之器。珉賤奚宜。原本珉賤訛氓賊。據禮記改。
上湖州王侍郎啓。蠶則績而蟹有筐。幸初偶爾。木欲靜而風不止。禍則隨之。原本筐訛箱。據禮記改。
與晁帥啓。無以慰蜀父老之心。何敢言楚令尹之政。原本老訛母。據漢書改。

問訊左史兼中書舍人啓。常楊遠避其詞鋒。班馬寧誇于史筆。原本常作長。然與下句班馬不對。案舊唐書楊炎傳。炎與常袞並掌給誥。開元以來。言詔制之美者。時稱常楊焉。今據改。

卷九

代湖倅謝宰執啓。白蘋繞郭。華屋填城。原本郭訛廊。今改。

橫浦集 宋張九成撰

卷九

召誥論日東則景夕多風。日西則景朝多陰。刊本夕朝二字互訛。據周禮改。

卷十二

狀元策背檐而立。委大夫以國政。刊本大夫訛夫人。據國語改。

湖山集 宋吳芾撰

卷二

江行阻風三日不能休。雲容更千變。原本容訛谷。今改。
和許守巖桂一枝欲斜插。誤落秋山中。原本斜訛針。今改。

卷八

和朱世同韻其二。臘殘惟願呈三白。春去從教落萬紅。原本惟訛推。今改。

香溪集 宋范浚撰

卷一

姑蘇臺賦種有七術。越行其三。刊本七訛力。三訛一。據史記改。

卷五

正服箴。齊官十筭。視古已緝。刊本十訛于。據後漢書改。

雲莊集 宋劉燾撰

卷五

建寧府廣惠倉記。鄧山鄞水之念。油然有動于中。原本鄞訛郡。鄞訛勤。並據後漢書郡國志改。

卷七

諭州縣官僚。士之不廉。猶女之不潔。原本脫士字。今增。

卷九

答史彌遠詔。周旋羽翼。獨高園綺之功。原本園綺訛灌園。據史記改。

卷十二

淮東、湖南、江西二路賊盜脇從人等。並從原貸詔。有若李全、陳炯之徒。原本全訛金。據宋史改。

太倉稊米集 宋周紫芝撰

卷一

湖陰行。封豕長蛇夢中起。原本封訛豐。據左傳改。

卷二

牛女行。天孫曉織雲錦章。原本孫訛絲。今改。

卷三

晚遊戒珠寺。平池渺清深。原本池訛地。今改。

卷六

次韻元素登城暮歸二首。王粲秋來正倚樓。原本粲訛渠。今改。

次韻元素野步。矍鑠何勞強據鞍。原本矍訛瞿。據後漢書改。

卷八

次韻元司理元夜其二。水晶簾底看燈人。原本人訛火。今改。

菖蒲山子歌。暮擁紅旌辭帝關。原本關訛闕。今改。

題馮尉綠淨堂。誰道馮唐今白首。原本唐訛堂。據漢書改。

卷十

小蔡許借徐詩未至。人中豈可無曹劉。原本曹劉二字互倒。今改。

卷十二

次韻張元明書劉氏草堂。無腰略可爲人低。原本低訛紙。又池堂看浴雙鳧雨。原本浴訛洽。今並改。
題張元明四鬼捕嬾龍圖。蜥蜴蝦蟇俱論功。原本蜥蜴二字互倒。據爾雅改。

卷十五

歸自須江泊州于湖舟中卽事詩成可自哦。原本哦訛娛。今改。

卷十六

官軍屢捷淮寇漸平。其三。風聲鶴唳是王師。原本鶴唳訛佳哭。據南史改。

卷十七

飲酒其二。薄言事耘薳。原本耘薳訛耕耨。今改。

卷十八

次韻道卿登樓有作。雨餘簾幕捲雌霓。原本霓訛電。今改。

題徐伯遠潛堂。安得載笭箬。原本笭訛著。今改。

卷十九

次韻黃文若寄燈夕不出之作。鐘鳴漏忽盡。原本漏訛滿。又齒髮條已暮。原本條訛條。又佳辰念京

洛。原本洛訛路。今並改。

卷二十一

古風其二。勁翮慕遠漢。原本漢訛溪。今改。

卷二十三

洗馬行。圍人但喜馬肥健。原本圍訛圍。今改。

卷二十四

對雨草閣爭先出。原本閣訛各。今改。

今日林中頗得佳筍。恨我家無渭川竹。原本渭訛謂。竹訛作。據史記改。

卷二十五

昇平謠。三代禮樂俱追還。原本還訛迷。今改。

卷二十六

冷泉亭放闌。爲君題作倒流泉。原本流泉二字互倒。今改。

卷二十七

時宰相生日樂府序。此某之折楊皇琴。所以得至于鈞庭之下也。原本皇琴訛黃花。據莊子改。
上巳日雨中熟睡。其二。暗入羅敷陌上桑。原本敷訛桴。據古樂府改。

卷二十八

九日陪李德儀兄弟遊石屋。海水自隨江水流。原本隨流二字互訛。今改。

卷二十九

時宰生日詩。其二十五。三君八俊今何處。原本八訛公。據後漢書改。

卷三十

次韻仲平去惡木。葺新軒。有如胸臆蟲。原本胸訛駒。據後漢書注改。

卷三十一

次韻子紹九日。杜門老大徒自傷。原本徒訛德。今改。

卷三十二

時宰生日詩。其五。不拍洪崖肩。原本拍訛怕。肩訛局。據南史改。

卷三十五

題東林香山像。半濕青衫淚如雨。原本衫訛山。今改。

卷三十六

午睡爲流鶯作歌。其三。江南草長亂啼鶯。原本長訛上。據文選改。

十月晦日郡席見鵝梨。并刀未下已流涎。原本刀訛到。今改。

卷三十七

寄小兒彘書二詩。因趣其歸。數得秋風到藕花。原本花訛色。今改。

卷三十八

晚雨忽晴。手執雲幢影凌亂。原本幢訛童。又。空復歛歛一長嘆。原本嘆訛笑。今並改。

卷三十九

送吳錫歸秣陵。小技正可持自怡。原本持自怡。訛謾小觀。今改。
送元壽歸華亭。神色甚凶獷。原本獷訛悼。今改。

卷四十

悼舒永豐。鳥去良弓藏。原本弓訛居。今改。
沈貴池輓詞。一區未買江邊宅。原本區訛逼。據漢書改。

卷四十一

哀湘壘賦。梟獍肆其旁鳴。原本獍訛奮。據漢書注改。
感士不遇後賦。偃鼠飲河。期在滿腹。原本偃訛鷗。據莊子改。

卷四十二

和陶彭澤歸去來詞。念紉蘭而自昔。原本紉訛幼。今改。
惠泉銘。如鼎之沸。原本鼎訛斧。今改。

卷四十六

稗官論。其後讀西漢書。原本書訛詩。又萬鈞之所歷。原本歷訛歷。今並改。

卷四十七

擬廷試策。正心誠意。躬行乎上者。原本乎訛以。又可以治人而事天。原本事訛治。又則又當深明乎求治之術也。原本求治二字互倒。今並改。

卷四十八

策問第四。至於楚元之好學。東平之爲善。原本爲善二字互倒。又汗馬無英衛之勞。原本馬訛焉。今並改。

策問第十四。當時又有平頭上尾。蜂腰鶴膝之語。原本上訛半。據南史改。又大抵欲宮羽相諧。低昂適節。原本諧訛慶。適訛過。今並改。

卷五十

爲張子房招四皓書。却穀不食。行已閱歲。原本閱訛闕。又踵堯舜好賢之轍。而天下服。原本踵訛踴。又期與天下更始。原本脫下字。今並改增。

卷五十一

毛詩解義序。嗚呼。說詩者可謂難矣。原本脫說字。又首推匡衡。蕭望之之徒。原本脫下之字。今並增。姑溪三昧序。公握筆極低。樹管微欹側。原本低訛抵。欹訛歌。今並改。

字序。萬氏之二子。皆從余游。原本子訛說。又說者以爲恩如兄弟。原本說訛子。今並改。錢塘勝遊錄序。不問晦明。皆可人意。原本脫明字。今增。

別子劉子序。子劉子靜重而寡過。原本寡訛寬。又其學無所不窺。原本脫無字。今並改增。

卷五十五

謝王侍郎薦舉啓。懷仕非爲貧之念。原本非訛以。今改。

謝沈祕校啓。未遑持刺以踵門。原本刺訛次。今改。

卷五十七

上皇帝書。臣聞漢遣蘇武持節匈奴。遭緹王之變。原本緹訛縱。據漢書改。又則是慶父不去。魯難猶未

已也。原本脫難字。據左傳增。

卷五十九

答通州吳司戶書。一時作者又皆下世。誰有主盟斯道者。原本誰訛雖。今改。

卷六十六

書陸祠部帖後。莊氏論蠻氏觸氏爭蝸牛之國。原本觸訛觴。據莊子改。

海陵集 宋周麟之撰

卷九

賀右相啓。王褒齧膝之駕。要在得時。原本膝訛郝。據文選改。

晦菴集 宋朱子撰

卷十七

奏救荒畫一事件狀。竊慮合奏請事。漸至後時。刊本時訛冒。據別本改。

卷十八

奏義役利害狀。將來雖施刑罰。轉添詞訴。刊本雖訛難。據別本改。

卷十九

條奏經界狀。昏繆疲輓。力不任事。刊本不訛而。據別本改。

卷二十三

乞追還待制職名奏狀。不得再有陳請。刊本得訛惟。今改。

卷二十四

與李延平先生書。大略如日前書中之意。刊本日訛中。據別本改。

卷二十五

答劉子澄。其孫或則遂爲唐衡之婿。刊本或訛或。據三國志改。

卷三十八

答李季章相知亦有不待見其面目而得其心者。刊本見訛藏。據別本改。

卷四十五

答廖子晦只得硬著脊梁與他厮捱。刊本捱訛崖。今改。

卷四十九

答滕德粹程子所謂不敢自信而信其師者始爲寄足之地。刊本爲訛者足訛兄。今並改。

卷六十四

答鞏仲至難以一時所見。遽定品目也。刊本定訛足。今改。

卷六十九

漢同堂異室廟及原廟議使章帝有魏顥之孝。刊本顥訛顥。據左傳改。

卷七十二

蘇氏易解上善若水。刊本若訛治。據道德經改。

卷七十三

讀虞隱之尊孟辨。刊本虞訛余。據宋史改。

卷八十二

書歐陽文忠公集古錄跋尾後韓公論之詳矣。刊本詳訛郡。今改。

卷八十六

奉安蘇丞相祠告先聖文。故相蘇公頌。南安人也。刊本南訛同。據宋史改。

卷九十

太孺人邵氏墓表。盡紹其前人。刊本紹訛絕。今改。

卷九十八

伊川先生年譜。尹焞。張繹。刊本焞。訛燉。據宋史改。

晦菴續集 宋朱子撰

卷二

答蔡季通。正聲於十二月初氣奏之。中聲卽於中氣奏之。刊本下氣字訛聲。今改。

卷五

答李孝述。繼善問目。當有以培養之。然後積漸純熟。刊本脫後字。今增。

晦菴別集 宋朱子撰

卷五

釋氏論上其所以至此之捷徑。蓋皆原於莊周承蜩削鑿之論。刊本鑿訛罅。據莊子改。

卷七

再諭上戶借貸米穀事。春間將米穀等先放下戶。刊本先訛生。今改。

方舟集 宋李石撰

卷一

王顯之求名其二子曰忠厚曰忠恕。陶公責端宣。晉人警師仇。原本宣訛室師訛怖。據淵明詩及左傳改。

卷六

臨江仙咏佳人。坐久不來來又去。一方明月中庭。粉牆東畔小橋橫。原本又訛不橋訛樓。據朱彝尊詞綜改。

卷九

釋老論佛氏以六波羅密爲戒定。三千大千世界。一十八天。八萬四千由旬。原本由訛有。案支僧載外國事由旬者。晉言四十里。今據改。

崔浩高允論。又爲郟標之徒所誤。如刻國史於石以彰直筆。原本郟訛楊。據北魏書崔浩傳改。

卷十二

上王宣諭啓。原本訛作宣王諭。案宋史職官志。宣諭。官名。今據改。

文忠集 宋歐陽修撰

本傳

留守錢惟演。器其材。不撓以吏事。修以故得盡力于學。刊本故下衍欲字。據宋史刪。

卷一

黃牛峽祠。行人惟向舟中望。刊本惟訛未。今改。

卷六

風吹沙。據鞍鞭馬行勿遲。刊本據訛攬。今改。

卷十

送王汲宰藍田。樹搖秦甸綠。刊本甸訛田。今改。

卷十一

答通判呂太博。千頃芙蓉蓋水半。注邵伯荷花。四望極目。刊本邵訛郡。據一統志改。

卷十七

爲君難論。比至洛陽。九十六萬兵。亡其八十六萬。刊本比訛北。今改。

卷二十

太子太師文惠陳公神道碑。埏以捍患而反病民。刊本反訛及。今改。

卷二十一

鎮安軍節度使程公神道碑。知并州壽陽縣。祕書丞。監左藏庫。刊本左訛佐。據宋史改。

卷二十四

龍武將軍薛君墓表。爲絳大族。刊本絳訛緯。據上文改。

卷三十四

徂徠石先生墓誌銘。惟篤於自信者。乃可以力行也。刊本惟訛信。據唐宋文醕改。

卷三十七

右監門衛將軍夫人錢氏墓誌銘。銘昭其休。以永不忘。刊本休訛昧。今改。

卷三十八

尙書戶部侍郎蔡公行狀。貝博數州。得在河南。刊本貝訛具。據宋史改。

卷四十五

通進司上書。改法權貨而商旅不行。刊本權訛權。今改。

卷五十一

天門呀豁青冥開。畜泄烟雲亂。刊本開訛開。今改。
代書寄尹十一兄。分手昭陵道。刊本手訛首。今改。

卷五十三

春寒效李長吉體。呼雲鑠日恐紅薦。刊本薦訛篤。今改。

卷五十四

日本刀歌。黃白間雜鑰與銅。刊本間訛閑。據宋詩鈔改。

卷五十五

奉送叔父都官知永州。虎頭鰲綬貴垂紳。刊本鰲訛盤。據漢書改。

卷五十七

奉寄襄陽張學士兄。人看山翁擁道邊。刊本山訛仙。據晉書改。

卷五十八

紅鸚鵡賦。若夫生以才戾。養以性違。刊本戾訛天。據唐宋文醕改。

州名急就章。遂貝瑞嵩會。刊本貝瑞訛具端。又衡彭英瓊邢洛。刊本邢訛邪。並據宋史地理志改。

卷五十九

本論。以其不推本末。不知先後而已。刊本已訛於。又立法以制財。刊本財訛之。並據唐宋文醕改。

卷五十九

梁論其爲唐與昇璟等耳。刊本昇訛昇。據五代史改。

卷六十五

月石硯屏歌序。雖世之工畫者不能爲。刊本工畫二字互倒。今改。

卷六十六

與石推官書。足下雖不以僕爲狂愚。刊本狂訛作。據唐宋文醕改。

卷六十七

與尹師魯書。四月中還家。則母妻皆病臥在牀。刊本病字訛在母字下。今改。

卷七十

問進士策題。千里之地。爲田幾何。牧馬之法。又如何。刊本脫牧字。今增。

卷七十二

花品序。洛陽所謂丹州紅。刊本紅訛花。據下文改。

卷七十三

跋學士院御詩。真宗時。劉子儀當直。刊本真訛貞。今改。

卷七十四

大匠誨人以規矩賦。挖爲鞠而斷爲碁。刊本挖訛完。據法言改。

卷七十五

南省試策行之當時。猶爲近古。刊本近古訛進士。又古下衍注疑字。今並改刪。

卷七十六

易童子問。恆利有攸往條。四時變化而能久成。刊本脫能字。據經增。

卷八十一

楊暉屯田員外郎直史館制。勤勞積時。重髓生疾。刊本髓訛癩。據左傳改。

卷九十三

亳州乞致仕第四表。尙能遇樵夫而談道。宣上德以諭愚民。與故老而揮金。均君恩而榮里巷。注。此聯一作談王道。揮賜金似衍二字。案談王道用揚雄長楊賦語。揮賜金用疏廣傳語。王賜二字非衍。此注誤。

卷九十五

上隨州錢相公啓。民豐四黼之年。刊本黼訛輔。據周禮改。

卷九十六

與辛郎中啓。依聽訟之甘棠。餘陰可愛。刊本陰訛音。今改。

卷一百二

論西賊議和請以五問詰大臣狀。豈可厚以金繒助成姦計。刊本繪訛繪。今改。

卷一百九

論修河狀。下流無歸。已爲濱棣德博之患。刊本闕棣字。據宋史補。

卷一百十八

乞免差人往岢嵐軍築城奏。瀛雄祁霸等州。刊本祁訛祈。據宋史改。

卷一百二十八

詩話。鄭谷詩名盛於唐末。條梅聖俞晚年官亦至都官。刊本闕上官字。據說郛本增。

卷一百三十一

生查子詞。案詞品載此詞爲朱淑真作。

清商怨詞。案草堂詩餘載此詞爲晏殊作。

卷一百三十二

蝶戀花詞。案草堂詩餘載此詞爲俞克成作。又半醉騰騰春睡重。案騰騰草堂詩餘作海棠。

其七。案草堂詩餘載此詞爲李冠作。

其八。案草堂詩餘載此詞爲晏殊作。又羌管不須吹別怨。無腸更爲新聲斷。案草堂詩餘作消息不知。

歸早晚。斜陽只送平波遠。與此異。

卷一百三十七

後周大象碑注。大象三年刊本上象字訛像。下象字訛家。並據周書改。

卷一百三十八

隋梁洋德政碑。在今蔡州新息縣。刊本脫縣字。今增。又後周於新息縣置州。刊本縣訛州。據隋書改。

附錄卷四

遊嵩山寄梅道人書。又尋韓文公所謂石室者。因詣盡東峰頂。案詣盡。宋文鑑作盡詣。又昔颺鼠窮伎。能上而不能下。案昔字下。宋文鑑有聞字。

東萊集 宋呂祖謙撰

卷二

爲梁參政作乞解罷政事表。若復自安。可謂無恥。刊本若訛巷。今改。

卷六

李仲南集古錄序。自歐陽文忠公始合而輯之。和者踵武。刊本踵訛雖。今改。

東萊別集 宋呂祖謙撰

卷三

朝祖日側主人入祖乃載踊無算刊本脫踊無二字據儀禮增

卷六

官箴何武條後爲博士刊本後訛復又武聞之終不揚其惡刊本聞訛圍並據漢書改魏徵條徵謂副使李桐客曰刊本脫桐字據唐書增



著者 (清) 王太岳等撰

Author

書碼

082-47

7437

Call No.

書名
Title

四庫全書考證：(三二)

登錄號碼

007502

Accession No.

月 Date	借閱者 Borrower's Name	月 Date	借閱者 Borrower's Name

國立中央圖書館

082-47

007502

7437

書碼

32

登錄號碼

國立中央圖書館



0007502



47

7

籍